

四庫全書

史部

欽定四庫全書

欽定大清一統志卷十四

永平府 二

古蹟肥如古城

在盧龍縣北本春秋肥子國應劭曰肥子奔燕燕封於此故曰肥如漢置

縣高帝六年封蔡寅為侯邑後漢晉皆屬遼西郡

後燕時幽州刺史鎮此北燕馮弘大興二年子崇

以肥如降魏因為遼西郡及平州治隋省入新昌

縣舊志肥如城在盧龍縣西北三十里按杜佑

通典漢遼西郡故城今在郡東漢

郡不在此疑是後魏時故址也

新昌故城今盧龍縣

治漢故新昌縣屬遼東郡在今奉天府海城縣界

後魏改置於此為北平郡治隋改曰盧龍至今因

之朝鮮故城

在廬龍縣東漢樂浪郡有朝鮮縣在今朝鮮境內後魏延和元年徙朝鮮

民於此置朝鮮縣屬北平郡高齊省入新昌

令支故城

在遼安縣西春秋時山戎屬國

國語齊桓公北伐山戎刺令支史記作離支即令支之謠也漢置縣晉初陷於鮮卑大安二年封鮮

卑務勿塵為遼西公以令支為國都其後慕容儁

取令支置遼西郡義熙三年慕容懿以令支降魏

魏真君七年併入陽樂縣魏書地形志肥如縣有

令支城杜佑通典廬龍有漢令支城遼史地理

志平州安喜縣本漢令支縣地太祖以定州安喜

俘戶置在州東北六十里金史地理志平州遷安

縣本漢令支縣故城遼置安喜縣大定七年更今

名縣志安喜故城在縣西北七十里府志安喜故

城在今縣東北二十里又縣東三十里萬軍山頂

有土城三百餘步中有將臺或以為安喜故址

樂陽故城

在遼安縣西北遼於今喜峯口外置澤州治神山縣又於此置樂河縣屬焉金

初與州俱廢入神山承安二年復置惠州升殽兒館為樂陽縣隸之泰和四年又與州俱罷元復改

置樂陽縣為惠州來治明洪武中廢舊志樂陽城在今縣西北一百六十里元置明初廢為營府志

遼縣在今樂陽營金樂陽縣在今漢兒莊漢兒莊即殽兒館金升館為縣隔二十里非復故城也元

縣即遼之陷河探煉置澤州者又非此

陽樂故城

在撫寧縣西漢置屬遼西郡後漢為

郡治晉因之後魏仍屬遼西郡北齊省薊道元水經注地理風俗記曰陽樂故燕也遼西郡治秦始

皇二十二年置魏氏土地記曰海陽城西南有陽樂城後漢書注陽樂故城在平州東舊志在今撫

寧縣西關外按陽樂後漢時為遼西郡治趙苞傳為遼西太守迎母到郡道經柳城則陽樂故縣

應在柳城之東今府東北口外舊志陡河西南百里有陽樂城是也豈魏晉時移此城於肥如東界耶

撫寧故城

今撫寧縣治唐初置撫寧縣尋省入盧龍金大定二十九年復升新安鎮

為縣舊志明洪武十三年移治縣西北兔耳山東永樂三年於故縣置撫寧衛成化三年議者請復

縣於舊址乃於衛東立縣合為一城即今治也

按明統志謂今縣本漢驪成縣地漢志驪成屬右

北平郡界不得越肥如而到此舊志又謂漢置臨

渝縣唐改石城遼始徙灤州界有臨渝故城在縣

北今考漢臨渝縣古無的據酈道元水經注云渝

水西南逕河連城疑是臨渝縣故城當在今口外

近錦州西界唐初改置臨渝縣後改石城杜佑通

典樂史太平寰宇記俱云在平州西北一百四十

里不在今撫寧界亦不云即漢臨渝縣遼初改置

石城在故城南五十里未聞自今撫寧徙置也舊

志因縣志以獅子河為渝河遂謂今縣即漢臨渝又云有渝關城在今縣東二十里疑即故縣皆誤

遷民故城

今臨渝縣治遼史地理志中京道遼州興善軍本漢陽樂縣地聖宗平大延琳

遷歸州民置治遷民縣金州縣俱廢為遷民鎮屬瑞州海陽縣元史天厯元年發中衛兵守遷民鎮即此北蕃地理志遷州在臨渝關東五十里南去海二十里潤州故城在臨渝縣西遼

聖宗平大延琳遷寧州民置潤州治海陽縣屬中京道金皇統三年廢潤州以縣屬瑞州元省洪皓松

漠紀聞潤州西去平州一百四十里北蕃地理志潤州在盧龍縣東北西至渝關四十里南去海三

十里縣志海陽城在縣東六十里即故縣也按遼志潤州統海濱縣其海陽縣屬隰州金志則海

陽屬潤州海濱屬隰州與遼志互異明志載海濱縣入寧前衛與金志同今從之系縣故

城

在昌黎縣南漢置屬遼西郡後漢省

廣寧故城

今昌黎縣治遼以所俘定州民置廣

寧縣為營州

寧府重更名昌黎

按漢柳城即後魏唐營州遼

寧之興中府在今口外

錦州遼界此營州自是遼

時所置乃遼志所載沿革竟與中府畧同舊志

又疑唐嘗僞置營州於此唐時營

州雖屢經遷徙未嘗移今府界也

海陽故城

在遼

南漢置高祖六年封樛扶餘為侯國魏

氏土地紀令支城南六十里有海陽城

在遼州南唐書地理志平州馬城縣古海陽城也

開元二十八年置以通水運杜佑通典平州西南

到馬城縣一百八十里遼史地理志馬城縣遼割

隸遼州在州西南四十里宋史地理志馬城縣宣

和四年賜名安城元史地理志至元四年省州志

廢縣在州南二十里又有古馬縣在州西南二十

里古馬社 按遼志道里與  
通典不同蓋非唐故治也

### 石城故城

在礫州西  
南漢石城

縣在今口外大寧故衛界唐初於今州西北界置  
臨渝縣為平州治武德二年移州治盧龍七年省  
臨渝縣貞觀十五年復置萬歲通天二年改名石  
城屬平州杜佑通典平州西北到石城縣一百四  
十里薊州東南到石城縣百八十五里是也遼又  
改置於此屬礫州遼史地理志唐石城縣在礫州  
南三十里儀鳳石刻在焉今縣又在其南五十里  
遼徙置以就鹽官宋宣和四年嘗賜名臨閭尋入  
金復曰石城元初省入礫亭至元二年改屬義豐  
礫州志在州西南九十里義豐社明永樂初移置  
開平中屯衛於此今廢 按舊志謂唐石城縣即  
今撫寧今考通典縣在平州西北薊州東南與太  
平寰宇記同知不在撫寧也特新唐志載臨渝閭  
碣石山皆在縣境為可疑然通典碣石渝閭並在



盧龍唐志誤耳遼志謂唐石城在灤州南三十里亦與通典不合今州西榛子鎮南去開平城五十

里疑即唐故縣也新安平故城在灤州西漢置新安平縣屬遼西郡後漢廢後趙石

虎建武七年自海道襲燕安平破之酈道元水經注封大水西南流遼新平縣故城西地理志遼西

之屬縣也按遼志中京大定府漢為新安平縣漢末步奚居之舊志疑故縣本在大定漢末始南

移海陽界非是蓋遼志昌城故城在灤州西南漢置志援古多不足據也昌城故城在灤州西南漢屬右北平

郡後漢省後燕慕容寶封高雲為夕陽漢廢夕陽故城在灤州西南漢屬右北平郡後

公即樂安故城在樂亭縣東北晉咸康六年石虎欲伐慕容皝具船萬艘自河通海

運穀於樂安城永和初石虎復使其將鄧恒屯樂安酈道元水經注濡水東逕樂安亭北即此金始

置樂亭縣縣志樂安舊城在望都廢縣在盧龍縣

縣東北二里亦名舊鎮莊理志平州望都縣本漢海陽縣太祖以定州望都

縣俘戶置在州南三十里金史地理志海山縣本遼望都大定七年更名元史地理志至元

二年省海山入昌黎三年復置四年又省義豐廢縣今灤州治遼置遼史地理志灤州漢海陽縣太

祖以俘戶置統義豐縣本黃洛故城世宗置元史地理志義豐縣至元二年省入州三年復置明

實錄洪武二年并義豐入灤州按水經注黃洛水出盧龍塞在今遼安縣西北界則驪成故縣置

黃洛城亦當在其地非灤州境也屬右北平郡後漢省按驪成古莫知所在舊志

云按漢志縣有大碣石山在西南歐陽志輿地廣記碣石在今石城縣故驪成也又考石城縣在今



三十里疑卽是其說誠似然  
今縣境實無所謂碣石山也  
孤竹城在盧龍縣南

令支縣有孤竹城鄴道元水經注元水西南逕孤  
竹故城北孤竹國也城在山側肥如縣南十二里

謂按水經注孤竹城在濡口之東元水之南舊志  
在縣西十五里轉在灤河之西蓋後人所附會

也遼興城明統志在府東十八里唐開元初安東  
都督府治此遼為遼興府城按舊唐

志開元二年移安東都護府於平州天寶二年移  
遼西故郡城安東府固嘗治此然不聞別築一城

至遼之遼興府亦即治盧龍城也明志不知何據  
又云柳城廢縣在府西二十里唐於此置營州更

誤長城隋書地理志盧龍縣有長城茂鄉鎮城在  
明統志長城在府北七十里

州西七里唐書地理志  
馬城東有茂鄉鎮城  
龍紀城在遼安縣北二十  
里周二百餘步相

傳遼蕭后所楊買驢城在遼安縣北四十里周五  
步舊志相傳遼聖宗時

蕭太后所築楊買驢其洋河城在撫寧縣東南十  
里方六里府志

謂唐初置瀘河山西城在撫寧縣西南五十里舊  
縣屬燕州即此址尚存傳傳唐太宗征遼

時鳳凰城在昌黎縣西獨莫城在灤州南九十里  
又有僑城在州西

南六十里唐山土城在州西南一百二十里李家  
莊城在州南四十里柏家莊土城在州南五十里

稻地土城在州西一百二十里舊志元立屯田總  
管府於馬城自獨莫城以下皆當時屯兵處也

獨幽城在樂亭縣東南柳城廢軍在昌黎縣西南  
十里時登屯唐書地理志平

州有柳城軍永泰元年置縣志有柳城在縣西南  
六十里靜安社即故軍也按遼志謂廣寧縣為

漢柳城縣地者當

永平故衛

在府治內明洪武四年置本朝康熙二

十七年裁

盧龍故衛

在府南明永樂四年置又東勝左衛在府治東明永樂元年自山西

邊外移此

本朝

故興州皆屯衛

在遷安縣城內明永樂三年自

故大寧界移此

撫寧故衛

在撫寧縣北十里明永樂三年置

山海故衛

在今

臨渝縣

東本古渝閔明洪武十四年即閔置衛本朝乾隆二年建臨渝縣衛廢

溫昌鎮

在灤州西唐書地理志石城有溫昌鎮

長春行宮

在灤州西南金史地理志石城有長

春行宮又舊志丹陽宮在州東南三十里漣清亭在灤河西岸皆金置

千金治

在灤

漢書地理志夕陽有鐵官唐書地理志馬城東北有千金治曹學佺名勝志治在灤州南二十里即

漢夕陽鐵官也州志又昌國署在樂亭縣東十七里古治在州南六十里

今猶稱望海臺在盧龍縣東相傳漢武帝築擗鼓臺在灤州西為署里

唐太宗征遼常駐將臺在灤州西八十五里於此地多峻石將臺下有黃崖河

在灤州北十里周圍草澄海樓在臨榆縣南寧海場百餘頃古料馬臺也城上前臨大海明

主事王致中建本朝乾隆八年十九年四十八年

皇上恭謁盛京陵皆駐

蹕於此有御製登澄海樓詩并

御書榜額一柱聯一樓前建御碑亭恭貯

欽定四庫全書

欽定大清一統志

七

宸翰

煉鐵爐

在遷安縣西四十里世傳唐太宗征遼造軍器於此

關隘山海關

在臨榆縣東門本古渝關地也隋書開皇三年城渝關十八年漢王諒伐高麗

出臨渝關杜佑通典臨關閭今名臨渝關在盧龍縣東一百八十里歐陽修五代史幽州北七百里

有渝關關東臨海北有兔耳覆舟山山皆陡絕並海東北有路狹僅通車其旁地可耕種唐時置東

西狹石綠疇米磚長楊黃花紫蒙白狼等戍以扼契丹於此舊志山海關明洪武初徐達建十四年

萬置山海衛本朝於關設都司於衛設守備乾隆二年廢衛置縣八年十九年四十五年四十八

年

皇上東巡

盛京皆有

御製山海關詩按明統志云榆關在撫寧縣東二十里徐達移於東界改名山海新舊諸志皆從其說

今以通典臨榆關在盧龍縣東百八十里之數考之乃知即今山海之地蓋遼金時以榆關為腹裏地故址漸堙明初始修復之非徙置也其在一片縣東二十里者乃驛遞之所取渝關為名耳一片

**石關**

在臨榆縣北七十里有關城東為九門水口有水分九道南下合為一流因名舊設叅將

**駐防**

本朝順治元年裁舊志自一片石而南曰

**寺兒峪**

三道關角山關旱門關北水關凡歷五關

口至山海關又城子峪堡在山海關北少黃土嶺西七十里舊設都司駐防順治六年裁

**關**

在臨榆縣西北六十五里舊設守備駐防本朝康熙初改設把總屬石門路義院口

**關**

在臨榆縣西北七十里舊設守備本朝康熙初改把總屬石門路其東為水門寺關迤北為

平頂峪城子峪又東為董家口關關之東曰大毛山口有城今設把總又東為小毛山口小河口大



青山口接黃土關其西南十二里曰石橋界嶺口  
峪又南即石門塞又東為長營皆有堡

關在撫寧縣北七十里舊築關城有東西月城  
本朝設把總駐守屬燕河路其東曰蕭桿嶺關

又東有葦子峪納子峪等關接義院口其西南二  
十里曰青山口舊設守營康熙初改把總今裁

桃林口關在遷安縣東北八十里青山口西其南  
十里為桃林營屬盧龍縣有城舊設守

備本朝康熙初改把總屬建昌路其  
東曰梧桐峪口重峪口舊皆為戍守處劉家口關

在遷安縣東北六十里東接桃林口舊為出大寧  
要路明建文初燕王駐永平自此北取大寧其南

十里為劉家營屬盧龍縣有城舊設把  
總屬建昌路本朝康熙二十三年裁冷口關在

安縣東北七十里明初三衛貢道由冷口入有關  
城本朝設章京及把總駐防其東南為河流口

南有河流營又東南為徐沅口  
**白羊口關** 在還安縣北六

十里亦曰羊峪堡有把總駐防其東有白道子堡  
又東為石門峪口東接冷口其南即建昌營也

**擦崖子關**

在還安縣北七十里亦名擦牙子堡有把總駐防其東曰洪義嶺堡五重安堡

又東曰新開嶺  
**青山口關** 在還安縣西北一百二十里西至喜峰口六十

里其南為青山營其東十里曰榆木嶺皆有把總駐守又東南為大嶺寨嶺柴溝皆有堡又東南為

城子嶺關又東  
**鐵門關** 在還安縣西北一百六十里關外有大潭即喜峯之

水源其西曰李家峪堡接喜峰口有把總駐守其東曰董家口堡接青山口  
**喜峯口關**

在還安縣西北一百七十里西南去遵化州七十里其東南五里為喜峯口城周三里置巡司關口

有來遠樓可容萬人明時駐兵戍守為薊遼重地  
本朝特設章京及遊擊駐防謂之喜峯路兼轄

太平寨青山口李家峪操崖子白羊峪榆木嶺等  
六汛其北一百二十里有松亭關東北去舊大寧

衛三百六十里  
遼金時故關也潘家口關在遷安縣西北一百八  
十里喜峰口西有守備

駐守其西  
龍井關在遷安縣西北一百九十里西  
接龍井關按遵化州之洪山口陡峙遼外

有城今設  
石門路在臨榆縣西北四十里亦曰石  
把總駐守門寨有城明設叅將駐守本

朝順治六年  
燕河路在盧龍縣東北五十里亦曰  
改設都司燕河營有城舊設叅將駐守

本朝順治六年改  
建昌路在遷安縣東北四十里  
設守備今設都司亦曰建昌營有城周四

里東至燕河營五十里明初為東路協守萬歷  
二十四年移至臺頭營改建昌為路設叅將及

車營都司 本朝順治六年裁參將設都司  
駐守已上三路俱屬山永副將乾隆二十九年又

於此增置  
巡檢一  
**臺頭營** 在撫寧縣北三十里有城舊設副  
將駐守 本朝順治六年改都司

康熙元年改設  
把總屬燕河路  
**蒲河營** 在撫寧縣南六十里蒲河  
海口東至戴家河口四十

三年增設都司駐防屬天津鎮兼轄南海口  
本朝順治十

**洋營** 在昌黎縣東南六十  
十里在城周一里  
**劉家墩營** 在樂亭縣南四十  
里明崇禎四

年立海防右翼營於此設遊擊尋改守備  
順治中移守備於縣西南三十五里馬頭營仍

名劉家墩康熙十六年又移於樂亭改設把  
總駐守馬頭營舊名清河口明永樂間所置

**鎮營** 在樂亭縣西南三十里有城周二里金志樂  
亭有新橋鎮即此元季設新橋巡司明萬曆

二十年倭犯朝鮮因設新橋營與昌黎之赤洋營撫寧之牛頭崖營為海口三營 開平營

在灤州西南九十里西北去豐潤縣四十里即石城廢縣也明初置開平中屯衛於口北大寧河嶺

後移真定永樂初復移建於此成化初築城周四里 本朝康熙六年裁衛十四年移三屯營把總

駐 榛子鎮 在灤州西金史地理志石城縣有榛子鎮舊志在州西九十里有堡域明萬厯

中移樂亭新橋巡司於此今因之 寧海城 在臨榆縣南十里周一

龍武營於此後亦曰南海口關 本朝初設 太平守洛康熙二十三年改設把總屬蒲河營

寨 在遷安縣西北六十里亦曰太平營舊設太平路叅將今改千總駐守仍曰太平路屬喜峰路

雙望堡 在盧龍縣東三十里又安和堡在縣西三十里赤峰為驛道所經又安山堡在縣北

三十里亦  
曰松崖堡  
**新店堡**  
在遷安縣西六十里舊置新店連運所於此今廢  
深河

**堡**  
在撫寧縣東四十里其北又有平山營堡  
**八里堡**  
在臨榆縣東八里  
裴家堡

在昌黎縣東二十里與撫寧縣接界  
**靜安堡**  
在昌黎縣西南六十里明嘉靖三十一年置

**淀流河集**

在樂亭縣西北二十三里即古新安鎮也

**濟民鹽場**

在灤州西南栢

谷莊南濱海東極潮河接石碑場西跨運河連越支場亘一百三十五里

**石碑鹽場**

在樂

亭縣西南二十八里濟民場東七十里東連歸化場亘一百七十里  
**歸化鹽場**

在撫寧縣

東南海濱南至秦皇島東抵山海關西至昌黎接石碑場亘四百餘里又舊有惠民場在縣西南海濱亘二百二十

里今併於歸化

**七家嶺驛**

在遷安縣南四十里沙河舊在縣西南七十里

七家嶺後移於此分屬灤州  
西去義豐驛一百里設驛丞  
**灤陽驛** 在遼安縣西

里三屯營舊在縣西北一百六里鹿兒  
嶺後移於此設有三屯巡司  
兼驛丞事  
**灤河驛** 在

龍縣南二里西去  
七家嶺驛六十里  
**蘆峯口驛** 在撫寧縣治東南舊  
在縣西十五里明洪

武十四年置後移於此  
西去灤河驛七十里  
**榆關驛** 在撫寧縣東四十

置本朝初裁後復置分屬樂亭  
縣西去蘆峯口驛四十里設驛丞  
**遼安驛** 在臨榆

外明洪武十四年置崇禎中歸昌黎縣  
應後西去榆關驛六十里有驛丞今裁

**津梁永濟橋** 在府城西  
門灤河上  
**灤陽橋** 在蘆龍縣西南  
七十里灤河上  
**三里**

**橋** 在遼安縣東  
三里河上  
**黃臺橋** 在遼安縣西南五里黃臺  
山下近以河流決溢不時

移於黃臺之南六七里  
冬春造橋夏秋舟渡

**大寨橋**

在遷安縣西北九  
十里灤河上舊為

浮橋今以舟渡

**陽河橋**

在撫寧縣西陽河上府志橋凡七俱水淺則設水泛則撤

**渝河**

**橋**

在撫寧縣東二十里

**海洋橋**

在撫寧縣東六十里

**虹橋**

在昌黎縣南八里金明昌

中建柳河橋

在昌黎縣西北三十里

**巖山橋**

在灤州南五里金大定間建一州水

口也又沂河橋在州西二十五里

**公安橋**

在灤州南九十里

**牯牛橋**

在灤州西

八十

**探海橋**

在臨榆縣南門外又登化橋在東門外

**石梯子渡**

在盧龍縣

西南十里又縣南  
十里有虎頭渡

**灤河渡**

在昌黎縣西七十里

**馬城渡**

在灤州南

二十

**淀流河渡**

在樂亭縣西北二十里灤河渡口也



陵墓商孤竹三塚

明統志俱在府城西北銀子山有孤竹長君之塚園子山有孤竹次

君之塚馬鞭山有孤竹少君之塚傳曰國人立其中子蓋次君也按樂史太平寰宇記孤竹城下

引卽蔚之隋國經云漢靈帝時遼西太守廉翻夢人曰余孤竹君之子伯夷之弟遼海漂吾棺願見藏覆明日果見浮棺於津際乃為改葬後人因明此又分為三塚也今夷齊墓又見山西蒲州

翟鵬墓

在撫寧縣南關外

祠廟北海神廟

在臨榆縣山海關澄海樓側乾隆四十五年奉

旨特建

清節廟

在盧龍縣西二十里孤竹故城祀伯夷叔齊舊廟久廢明洪武九年重建於府

域內東北隅景泰中復建於此廟有清風臺揖遜堂本朝康熙四年知府彭士聖重修大學士范

文程有記令有司每歲春秋致祭乾隆八年十九年四十五年四十八年

皇上恭詣 盛京

清蹕所經有

御製夷齊廟孤竹城揖遜堂清風臺古松諸詩并御題榜額曰古之賢人臺曰介石清流

李將

軍祠

在盧龍縣南虎頭山下祀漢李廣

三忠祠

在遷安忠山上祀諸葛亮

岳飛文

韓文公祠

在昌黎縣治西北明洪武中建顯功廟在臨榆縣城內

天祥 明景泰中建祀

中山王徐達

姜女祠

在臨榆縣東南並海里許祠前土邱為姜女墳傳有

望夫石俗傳姜女為祀梁妻始皇時因哭其夫而崩長城本朝乾隆八年

皇上恭詣

盛京道經臨榆有

御製姜女祠詩序云今山西潞安直隸古北口並此處

皆有姜女祠考杞梁之事見於左傳孟子非始皇時人可知即烈女傳載有崩城之說亦無長城實據也然其節義有可尚者故題以詩十九年四十五年四十八年皆有

御製詩

寺觀隆教寺

在廬龍縣南一里明洪武初建本開朝順治六年重修壯麗為諸刹冠

元寺

在廬龍縣南臺山頂明永樂七年建為郡人遊賞之所開福寺在遷安縣宣化

坊明宣德中建金峯寺

在撫寧縣治北寶峯寺在昌黎縣北八里谷

名水巖寺有唐佛頂尊勝幢記開元灌頂國師不空奉詔譯述保寧元年立石薦福寺在

州西北隅金時建古松二株偏涼寺在灤州北五枝幹連屬其下可坐百餘人里偏涼汀明

景泰中建其地山永佑寺在臨榆縣南寧海城西  
水環注林壑幽勝本朝雍正四年

勅建

世宗御書榜額曰永慶清宴乾隆八年

皇上御題榜額曰四海天妃宮在臨榆縣永佑寺西乾隆八年

永清十九年重修

皇上御書榜額曰珠宮紫陽觀在府治東南昊天觀在遷安縣東南

湧現十九年重修

隅明洪武初建樓雲宮在遷安縣西三十里唐貞觀時建

武初建

名宦漢王尊高陽人初元間以令舉幽州刺史從事太守察其廉補遼西鹽官長數上書言

便宜杜陵人開皇時為營州總管寬厚得衆心懷撫隋韋冲契丹皆能致其死力

事衆心懷撫

奚晉畏懼朝貢相續高唐田仁會長安人永徽中

麗嘗入寇率兵擊走之為平州刺史歲

旱自暴以祈雨雨大至穀遂登人歌曰父母育我  
今田使君挺精神芳上天聞中田致雨今山出雲  
倉廩實兮禮儀中願  
李晦 乾封中為營州都督  
君常在今不患貧 以治狀聞重書賜勞賈

循

華源人開元間擢遊擊將軍榆闕守捉地南負  
海北屬長城林蠻翳翳寇所蔽伏循調士斬木

開道賊遁去

遼韓德樞

安次人為遼興軍節度下車整  
紛剔蠹恩煦信孚勸農桑興教

化期月民獲蘇息

金爽和

天眷初知永安軍為叛寇孟邦  
養所執脅之降不從遂被害

爽和舊名雙虎今驛改

元阿台

憲宗時為平灤路達魯噶齊  
始至請蠲銀鹽等酒稅諸侯

王道出平灤費銀七千五百兩戶部不即償阿台  
自陳上前盡取償以歸 達魯噶齊舊作達魯花

赤今譯改劉德溫

籍許順天府名宦為永平路總管當  
天恩兵革之餘野無居民德溫為政

一年而戶口增倉廩實遂興學校以育人材庶事  
畢舉歲大旱禱而雨灤漆二水為害有司歲發民  
築堤德溫曰流亡始集而又役之是明楊禧雲南太和

重民困也遂罷其役水亦不復至  
人永樂中知昌黎縣盡心民事政教大行考滿  
民乞留晉二秩還任再閱三考在任十八年王

冕洛陽人嘉靖中以兵部主事巡視山海關遼東  
妖賊陸雄作亂突入關吏欲扶冕出走冕曰吾

有母在走安之急執兵以衛毋毋被傷冕奮前救  
之被執賊脅以白刃冕大罵遂遇害贈光祿卿

高邦佐襄陵人萬曆中遷永平知府濬灤河  
葉長堤裁抑稅使高淮不敢大橫張春

同州人天啟二年擢永平兵備僉事時諸軍屯山  
海關永平為孔道士馬絡繹難民又雲集春應之  
有方事皆就理而民不告病崇禎初坐浮言削籍  
及永平失守復起春為兵備偕諸將收復永平諸

城加太僕少卿郡當兵燹之餘閭閻凋敝春盡心撫  
卹人益懷之四年監總兵吳襄宋偉軍投大凌河

兵敗被執鄭國昌邠州人崇禎初以按察使治兵  
不失臣節永平大兵破永平國昌自縊

於城上中軍守隘程應琦從之應琦妻張鳳奇陽  
奔告國昌妻與之偕死贈國昌太常卿

人崇禎初為永平知府大兵破永平鳳奇一門及  
推官羅成功副總兵焦延慶東勝衛指揮張國瑞

盧龍教諭趙允植俱死之鳳奇楊燠崇政初知灤  
贈光祿卿成功等贈卹有差

贈光祿高承挺嘉興人崇禎中為遷安知縣教民  
少卿挺倣江南桔槔法鑿溝開渠闢田三

千八百餘畝復業者千七百戶時當輸粟天津以  
濟遼餉承挺令民賣錢至山海關易粟轉輸而償

以漕粟或代明年  
正賦省浮費萬計

本朝吳盡忠

任縣人順治初為山海關都司寇至擊敗之繼又來犯盡忠率眾追至邢家灣

與賊為賊所執不屈被害

宋琬

萊陽人順治十四年為永平道性明決遇事立剖姦宄斂迹境

內蕭然

李中梧

遼陽人為永平知府民有持鋤殺人

然獄乃定又有操故券訴人負其陳丹

山陽人康熙初為永

父財者察知其偽其人媿服而退

人物漢郭涼

字公文右北平人雖武將然通經書多智畧尤曉邊事幽州牧朱浮辟為兵曹

內另舍自居纔可容膝以精勤政事卒於官

孫瓚

字伯珪遼西令支人舉孝廉除遼東屬國長史中平中以

功封廣武侯討張純等有功拜降虜校尉常乘白馬烏桓憚之更相告語避白馬長史

三國吳程普



字德謀右北平土垠人初為州郡吏有計畧善於應對從孫堅征伐攻城野戰身被創夷堅卒復隨孫策有功以為吳郡都尉後拜盪寇中郎將領零陵太守鎮石城策卒輔孫權討平不服拜裨將軍領江夏太守先出諸將普最年長時人皆呼程公性好施與喜士大夫代周瑜領南郡太守遷盪寇時軍

**韓當**

字義公遼西令支人以便弓馬有膂力幸於孫堅從征伐數犯危難及孫策東

渡從討三郡征劉勲破黃祖領樂安長後以中郎將與周瑜等拒破曹操又與呂蒙襲取南郡歷封石城侯遷

**唐陽惠元**

平州人以身勇奮事平虜軍昭武將軍從田神功李忠臣浮海入清

州詔以兵隸神策為京西兵馬使鎮奉天德宗初河南大擾詔移戍闕東帝御望春樓誓師勞遣諸將酒至神策將士不敢飲帝問故惠元曰初發奉天臣之帥張巨濟與眾約不立功毋飲酒臣不敢

食其言既行有餽於道惟惠元軍瓶蠶不發帝咨  
歎不已俄以兵屬李懷光懷光叛惠元走奉天懷  
光遣將冉宗馳騎追及於好時惠元披髮呼  
天血流岨皆袒裼戰而死詔贈尚書左僕射田弘  
正字安道盧龍人父廷玠歷澹湘二州刺史從兄  
魏博節度使承嗣盜磁相廷玠無所為染及田  
悅代立廷玠讓之曰爾承伯父緒業當守朝廷法  
度以保富貴何苦與恒郾為叛臣遂稱疾納憤而  
卒弘正幼通兵法善騎射當承嗣孫季安時為衛  
內兵馬使軍中翕然歸重季安忌弘正出為臨清  
鎮欲因罪誅之乃陽痺痼臥家不出得免後季安  
子懷諫襲節度召還舊職懷諫委政家奴蔣士則  
措置不平衆怒曰兵馬使吾帥也詣其家迎之拒  
不納衆譁於門弘正度不免與約曰吾欲守天子  
法舉六州版籍請吏於朝皆曰諾遂殺士則圖魏  
博相衛貝澶之地以獻憲宗嘉之詔充魏博節度

使遣裴度宣慰弘正深相結納奉上益謹王承宗  
叛弘正破其衆李師道拒命弘正率諸節度使進  
討取十二州加檢校司徒同中書門下平章事穆  
宗立徙成德軍長慶元年卒會軍亂家屬皆遇害  
贈太慰田布字敷禮弘正子王師討蔡布凡十八  
戰忠愍布戰破凌雲柵下堰城以功受御史中  
丞蔡平為河陽節度使弘正遇害召布拜魏博節  
度使號泣固辭不聽與妻子訣曰吾不還矣未至  
魏三十里既行披髮號哭而入居堊室屏節旄將  
士老者兄事之祿俸月百萬一不入私門又發家  
錢十餘萬緡頒士卒朱克融據幽州與王庭湊唇  
齒中人屢促戰而度支餽餉不繼魏軍又驕會有  
詔分布軍救深州衆怒遂潰諸將叔布行河朔舊  
事布為書謝帝乃入至父几筵引刀刺心曰上以  
謝君父下以示周寶字上珪盧龍人武宗時為檢  
三軍言訖而絕

耕聚糧至二十萬斛疏良將中和初進同平章事兼天下租庸副使以功封汝南郡王 宋郭

瓊

平州盧龍人少以勇力聞初事契丹後唐天成中挈族來歸歷團練防禦周初知宗正卿事宋

初加右領軍衛上將軍致仕瓊雖起卒伍所至有惠政尊禮儒士孜孜樂善蓋武臣之賢者也 遼

趙思溫

字文美盧龍人少果銳膂力兼人太祖經畧燕地思溫迎降及伐渤海以為漢軍團

練使力戰拔扶餘城身被數創太祖親為調藥累官保靜盧龍臨海軍節度使加檢校太師卒贈太

師衛 國公 金孟浩

字浩然灤州人韓企先為相拔擢一時賢能浩與田穀皆在尚書省蔡松

年等構成殺死罪浩等三十四人皆徙海上天下寬之大定二年召為侍御史遇事輒言無所隱七年為御史中丞拜叅知政事故事無自中丞拜執政者浩辭世宗曰卿公正忠勤豈拘階次嘗奏古

來未有不明賞罰而能治者自今賞功罰罪必具  
事狀告頒中外使君子知勸小人知懼從之以尚

書右丞兼太子太傅致仕劉敏行平州人天會進士除校書郎  
子太傅致仕

河北東路趙興祥思溫六世孫有孝行天眷初累  
轉運使官同知宣徽院事海陵嘗問興

祥欲使子弟為官當自言興祥辭謝海陵善之賜  
以玉帶世宗即位來見平州嘉其誠歎慰官左宣

徽使元趙炳字彥明惠州樂陽人幼失怙恃鞠於從  
兄歲饑往平州就食遇盜欲殺之兄解

衣就縛炳年十二泣請代兄盜驚異舍之而去至  
元中累官京兆路總管安西王相所至有聲為運

使郭琮等所害贈張昇字伯高其先定州人後徙  
中書左丞諡忠愍平州警敏過人力學工文

詞至元中授翰林國史院編修官武宗即位議躬  
祀禮昇據經引古參酌時宜帝嘉納之出知汝寧

府治行為諸郡最泰定初拜遼東道廉訪使屬永平大水請發海道糧以賑并蠲歲賦民得全活順

帝時以集賢侍講學

**龐遵**

永平人母病腫三年不能起忽思食魚遵求於

市不得歸途歎恨忽有鯉躍入其舟作羹以獻母悅病瘥

**李彥忠**

永平人父喪廬墓八年不

至**周宏**

遷安人至正間官昌黎尹程思忠作亂宏率其民赴永平拒守城陷被執不屈七日

不食罵不絕口而死

**明麴祥**

字景德永平人父亮為金山衛百戶祥年十四為倭人掠去遊

仕其國屢誦王入貢宣德中與使臣偕來上疏陳情乞歸侍養帝令暫歸仍還本國祥至金山獨其

母在已閱二十年不能職驗耳陰赤痣始信未幾別去後復請於國王仍令入貢復申前請得襲職

歸養以

**周斌**

字國用昌黎人景泰進士為御史天順初與同官劾石亨曹吉祥諸不法

事帝大怒擿彈章俾自讀斌且讀且對神色自若  
遂下獄請江陰知縣擢開封知府皆有善政終廣  
東布政使司周璽字廷玉建安人嗣職為開平衛指揮  
使司

璽大同副總兵伊斯瑪依勒大入大同總兵官許  
寧失利璽馳援夜遇敵大呼陷陣臂中流矢援鏃  
進戰敵乃退弘治初以總兵鎮守陝西討平諸縣  
回回威名甚著伊斯瑪依勒舊名亦思馬因今  
譯蕭顯字文明山海衛人成化進士擢兵科給事  
改蕭顯中武臣中官黃緣干恩澤顯多駁正時崇  
信異教有巫自涿州來京師以邪術蠱衆士女爭  
信之顯抗疏請逐之并及時獎帝怒左遷鎮寧州  
同知終福鄭已字克修山海衛人成化進士歷御  
建僉事鄭已史偕同官爭慈懿太后薨禮禁星  
見又陳時政八事尋劾大學士高輅尚書馬昂姚  
夔程信不職下獄廷杖後復官出按甘肅鎮守定

西侯蔣琬多役軍民將勅  
之反為所構謫戍宣府  
任惠 溧州人弘治進士  
正德初為南京吏

科給事中屢建諫言又偕戴銑奏留劉健謝遷且  
勅中官高鳳廷杖除名後起山東僉事未任卒

王珪 字汝溫永平衛人弘治進士除給事中正德  
時勅御馬太監牛宣尚書劉大夏去國抗疏

乞留帝將大婚詔取太倉銀四十萬兩珪首爭之  
卒減四之一歷右僉都御史巡撫山東武宗南巡

中官黎鑑索賄於有司珪不可鑑愬於帝帝曰此  
必爾有求不遂耳鑑語塞而退終兵部右侍郎

翟鵬

字志南撫寧衛人正德進士累官陝西按察  
使性剛介以清操聞嘉靖中擢右僉都御史

巡撫寧夏坐勅總兵官趙瑛為所訐奪職歸久之  
起故官再遷宣大總督尋又罷歸後以請達大入

山西復設總督再起鵬令兼督山東河南軍務大  
修邊脩累功進兵部尚書復以請達入犯逮下詔



獄卒人皆惜之

**馬永**

字天錫，遼安人。號果。有謀習兵法，好左氏春秋。嗣世職，為

隆慶初復官。

金吾左衛指揮使，正德時從陸完擊賊有功。江彬

鍊兵西內，永當隸彬，稱疾避之。累功，充總兵官，鎮

守薊州。武宗至喜峯口，欲出塞，永叩馬諫而止。嘉

靖初，乞宥議禮獲罪諸臣，帝怒，奪永官，寄祿南京

後府杜門讀書。清約如寒士，復復以

**詹榮**

字仁甫，山海衛

總兵官。鎮遼東，數有功，進左都督。

人嘉靖進士，歷戶部郎中，督餉大同。值兵變，以靖

亂功，擢光祿少卿。再遷右僉都御史，巡撫甘肅。移

大同時，諸達數犯邊，榮多方計戰守，數敗之。榮邊牆

開屯，田邊徭，大飭終兵部左侍郎。萬曆中，進贈工

部尚

**張世忠**

字顯甫，山海衛人。嘉靖五年舉武會試，由世職增二秩，署指揮。僉事為大

同參將，拒寇於丁家莊，有斬獲功。二十一年，寇大

舉入掠，世忠與諸將合五營兵，囊之至陸支村，諸

軍潰世忠力戰困重閣下馬裹鎗疾鬪首中  
二矢死事聞贈左都督謚忠愍立祠致祭 厲汝

進 字子修縉州人嘉靖進士歷吏科給事中湖廣  
巡撫陸杰入為兵部侍郎汝進疏劾之并論工

部尚書甘為霖樊繼祖不職不納尋與同官查秉  
彝等合疏言太常少卿嚴世蕃竊美父權嗜賄張

焰嚴嵩因激帝怒廷杖八十謫官 楊騰 遷安人幼  
尋奪職隆慶初起故官未至京卒 孤母病目

以舌砥之而愈及歿廬墓三年芝產於 側隆慶中賜旌有司為建仁孝格天坊 劉文煥 撫

人幼孤事母孝妻王氏值姑病顧天願冬著單衣  
者三年病果痊及歿欲廬墓文煥止之自廬墓三

年有湧泉出人號為孝子泉推官 廖汝欽 廬龍入  
沈之險詣其廬感動請解官歸養 官中書

舍人里居崇禎三年 大兵破永平與武舉唐之  
俊諸生韓洞源周祚新馮維京胡起鳴胡光奎田

種玉等十數人皆死之乾隆四十一年  
賜汝欽諡節愍餘並

予入忠義祠

本朝馬維熙

字天御山海衛人順治初由拔貢生授  
忻州同知攝偏關廳事姜瓖叛維熙被

執不屈遇害

贈

呂鳴夏

山海衛人弟鳴雲明末  
官揚武營叅將戰死鳴

忻州知州

夏撫遺孤恩誼周至鄉人稱之順治初為衛輝知  
府以政最遷固原副使武大定叛勒兵脅之鳴夏

歷數其罪罵不絕口遂遇  
害贈光祿卿廕一子

高顯辰

字欽思灤州人  
順治初由拔貢

生授德安知縣遷雲南府同知與鄉人訣曰吳三  
桂久蓄異心顯辰此去當捐軀以報國決不苟求

活也及三桂反以兵脅降顯辰不屈仰  
藥而死妻戈氏亦自經贈太僕寺卿

李集鳳

海

衛人淹通群籍尤精春秋著春  
秋辨疑六十五卷官終洛陽丞  
韓坤業 永平府諸生事母王

氏以孝聞母歿廬墓三年親負土成塋路人哀感  
又有撫寧諸生趙名元布衣孫昇皆事親盡孝親

歿並廬墓三年劉一蛟 昌黎貢生父病衣不解帶者三年

人有以貧鬻子女者為贖還二十餘人仍營其嫁  
娶同縣舉人趙天錫亦有孝行親病三十餘年侍

湯藥不少懈張朝臣 字鼎望山海衛人舉武進士由萬

少懈都司康熙四十八年衛賊擾境與協都司孫奇豹  
前後夾擊兵潰遇害贈安遠將軍廢子衛千總

烈女五代唐鄭保英妻奚氏 保英為平州刺史契丹

女丁乘城不下遂引去金李寶信妻王氏 寶信為義豐縣令

氏陷城中賊欲逼室之王氏罵賊賊怒遂支解之大定十二年贈貞烈縣君

李伯通妻

周氏

縣平石城人金末伯通監豐潤縣元兵攻之城破不知所終周氏與子易被擄謂偕行者

曰人苟愛其生萬一受辱不如死也即自投於壑主者怒拔佩刀三刃其體而去得不死遂攜易而

逃間關至汴續紉自給教易讀書有成

元王宗仁妻宋氏

進士宋裴之女宗仁

家永平永平受兵氏從夫避於錫子山夫婦為軍所擄行至玉田縣有窺氏色美欲害宗仁者氏顧

謂夫曰我不幸至此必不以身累君遂攜一女投井死

明沈鳳妻仇氏

遷安人鳳

為興州右屯衛百戶嘉靖中守剡車嶺寨寨破仇被執將汚之不從支解而死

黨文明妻

樂亭人歸五月而夫死其母欲奪其志恚曰夫死再嫁豈良婦耶即自縊

趙氏女

撫寧人年

十四軍人馬鐸窺其母出遂挑之女怒批其面鐸驚走女泣曰我為女子賊敢以媒語戲我安用生為遂自縊知府張世烈捕鐸寘於法仍為營塋樹坊以旌之

本朝邢鳳喈妻劉氏

昌黎人年十九夫亡舅姑勸之改適刺一目以見志撫子更新

成立為娶婦杜氏更新復早卒杜亦承劉志守節終身

魏業懋妻齊氏

昌黎人夫

亡無子與母訣別即閉戶自縊又溫成義妻王氏趙萬忠子婦劉氏撫寧王紹先妻陸氏俱以夫亡

無嗣家人勸之改適自縊以殉山海衛宋友懷女典姐許嫁蘭某聞夫亡即投繯死邵瑄妻

劉氏

昌黎人年二十三歲夫亡守志教子成立壽至百有二歲田氏女

昌黎人年十七

惡少挑之女罵詈被擊死又樂亭康朝熙妻劉氏灤州彭玉妻李氏遷安馬成妻張氏皆以不污強

暴死郝明賜妻趙氏

撫寧人善事舅姑夫亡後孝敬稱薦姑憫其勞勸令少逸氏曰

勤勞是婦人事且以教兒女輩耳娶婦馮氏能執婦道子苦繼亦早亡姑婦相依俱以節孝著雍正

五年

闕相辰妻李氏

樂亭人夫亡割股療姑病兄欲奪其志斷髮以誓食必先

以祭夫教三子俱入黌序壽至九十餘歲雍正六年

旌表俞承恩妻張氏

撫寧

人夫貧就食閭外氏奉姑無缺及夫亡姑亦歿氏挈孤子攜筐負土成墳父母家勸之改適遂終身

不歸寧大雪封門徑無行跡人以為死而機聲不絕聞者感歎又樂亭楊甫望妻王氏夫早亡單貧

孤苦操蒸藿度日卒教子成立俱第正十年

旌表李肅妻王氏

盧龍人肅為諸生早

亡氏矢志守節乾隆六年旌表又同縣王元德妻鉉氏王棟妻汪氏劉明德妻印氏韓賓妻李氏

賈成章妻吳氏倫健妻張氏馬一霄妻王氏許煥  
妻楊氏許燦妻豆氏王良妻劉氏張隆妻王氏諸  
生王之翰妻楊氏王道普妻蕭氏彭年妻李  
氏諸生楊通妻傅氏俱以守節先後旌表吳中

### 憲妻雷氏

遷安人夫歿守節孝事翁姑撫孤子成名乾隆十六年旌表又同縣諸生王

建極妻李氏諸生王會極妻汪氏郭子甸妻彭氏  
于鴻渚妻高氏諸生郭誼亨妻金氏王三錫妻張  
氏段泰貴妻呂氏郭子裔妻尹氏張定一妻梁氏  
許登榮妻張氏李成義妻李氏張從美妻郭氏張  
從吉妻王氏朱之貴妻曹氏李銅妻魏氏蔡芝妻  
楊氏諸生劉炯妻李氏彭鏡妻王氏郭乾汾妻王  
氏俱以守節旌表張氏女撫寧人許宇謝琪久出未娶  
先後旌表旌表又同縣孫文智妻  
嫁孝事孀姑乾隆三年旌表又同縣孫文智妻  
王氏王三錫妻李氏張廷拱妻池氏胡璉妻茹氏



張希閔妻王氏諸生單珍妻蕭氏劉深妻賀氏諸  
生單銓妻鄭氏胡宇仁妻王氏李尚亮妻姜氏李  
蕃妻田氏王基勇妻呂氏趙憲妻李氏楊天純妻  
姬氏楊名妻金氏單從新妻袁氏李獻方妻趙氏  
翟琪妻王氏王崙妻夏氏趙秀齡妻徐氏張起雲  
妻李氏吳從義妻程氏楊旺妻周氏崔國良妻趙  
氏楊作揖妻李氏袁宗凱妻李氏未聘  
貞女楊氏俱矢志守節先後旌表  
譚五倫妻

耿氏

昌黎人夫亡守節撫孤乾隆二十八年旌  
表又同縣劉寅妻朱氏田發啟妻高氏烏德

衆妻劉氏陳愷妻魯氏馬璵妻俞氏郭朝掄妻俞  
氏高琚妻周氏孟德孔妻錢氏齊北熊妻陳氏俱

以守節先後旌表

霍瑞啟妻谷氏

濮州人夫死父母憐其少微諷之氏以藥物自

盡節婦教之乃免乾隆十二年旌表又州民張  
義妻高氏夫亡家貧如洗家人欲奪其志即自投

縲鄰婦救之乃免郭翰妻倫氏夫亡欲以身殉翁姑救止乃截髮自誓撫嗣子得成立周成羽妻史氏夫歿母弟欲誚之嫁氏斷中指以自誓又王曰琦妻魏氏馮躬建妻李氏王曰敬妻孫氏李之齡妻劉氏馮驥妻惠氏諸生趙及溥繼妻王氏王百椿妻周氏李正妻胡氏諸生裴有瑞妻王氏諸生鞠汝捷妻趙氏趙大成妻李氏遵元佐妻李氏金泰妻李氏馬斯祖妻董氏耿建生妻徐氏吳基遠妻宋氏趙秉時妻周氏袁學惠妻張氏何謙妻陳氏許有抱妻劉氏杜步章妻李氏張禮妻郭氏諸生于魁汾妻趙氏毛承基妻李氏李敷勲妻李氏張遜妻陳氏何其選妻劉氏張炳妻趙氏俱矢志守節先後

賈爾印妻景氏

樂亭人夫亡無子事孀姑盡禮撫嗣得成立乾

旌表

隆七年旌表又同縣毛印龍妻劉氏李玉寶妻石氏陳于上妻王氏諸生劉孔訓妻苗氏高良宰

妻武氏孟顯妻陳氏陰自成妻葛氏諸生宋傳騰妻張氏王承烈妻高氏王鍾靈妻倪氏王克勤妻

汪氏黃登五妻趙氏陳質妻李氏吳恒泰妻康氏俱以守節先後旌表王元良妻劉

氏臨榆人夫出獨處有惡少以言戲之氏怒罵以拒元良歸訴其事遂自縊死乾隆十三年旌

表又同縣郭旭之女生姐許字范彬彬患瘋彬母持還婚帖女遂自縊乾隆十八年旌表又同縣

范衡禮繼妻郭氏夫亡撫前妻子成名乾隆二年旌表又同縣談仲善妻黃氏任仲傑妻陳氏諸生呂

世陞妻沈氏石如星妻趙氏計可成妻劉氏李馥生妻趙氏趙功正妻郭氏李國輔妻趙氏施懷信

妻熊氏施邦佐妻余氏諸生毓麟妻李氏楊進朝妻邢氏李惠民妻趙氏戰從亮妻楊氏表德恒妻

張氏阮義鳳妻侯氏馬坦妻侯氏劉琬妻譚氏程溥妻常氏高曰緘妻李氏周禮妻趙氏王基遠妻

高氏孟珂妻周氏趙昇妻高氏俱以守節先後旌表

土產鹽

濱海諸縣出

紙

遷安縣出又灤州亦出紙

石灰

撫寧縣出

鷹鵠

明志昌黎

縣道者山出

蔓荊子

唐書地理志北平土貢明志盧龍遷安二縣出

香白芷

明志

樂亭縣出

梨

舊志遷安縣出又產甘棠

鯽

府志灤河偏涼汀產者最佳

海胎

山海志

渝關產

鐵腳鳥

似鶴鵠差小山海舊志渝關出唐書地理志盧龍土貢

按

土貢人參又遷安之寬河川產金灤州遷安出丹錫皆見舊志然不可以為今之土產故附載於此

欽定大清一統志卷十四

河


間

府

圖

河間府圖









河間府表

漢	河間國 <small>文帝置治樂成</small>	河間縣	武垣縣 <small>前漢屬河間郡後漢屬河間國</small>
三國魏	河間國		武垣縣
晉	河間國		武垣縣
齊周	瀛州河間郡	趙軍郡城	武垣縣
隋	河間郡 <small>開皇初郡廢大業初復</small>	河間縣 <small>開皇初置為縣治</small>	武垣縣 <small>大業初併入河間</small>
唐	瀛州河間郡 <small>復為州治河北道</small>	河間縣 <small>州治</small>	武垣縣 <small>武德五年又置貞觀二年省</small>
五代	瀛州河間郡 <small>晉天福初屬遼國後德初復</small>	河間縣	河間縣
宋	河間府 <small>大觀三年升府屬河北東路</small>	河間縣 <small>府治</small>	河間縣
金	河間府 <small>為河北東路治</small>	河間縣	河間縣
元	河間路 <small>至元中置路屬中書省</small>	河間縣 <small>路治</small>	河間縣
明	河間府 <small>洪武初改府員隸示</small>	河間縣 <small>府治</small>	河間縣

八武	東州縣	前漢屬 後漢屬 屬河間國	獻縣	河間國	文帝置	樂城縣	國治	中水縣	前漢屬 後漢屬 即代漢屬 河間國
	東州縣			河間國		樂成縣		中水縣	
	省入重武 齊省			河間國		樂成縣		中水縣	
	東城縣	開皇十六 年改置屬 河間郡				樂壽縣	開皇末改 屬城仁壽 初又改名 屬河間郡	中水縣	齊省
	東城縣	屬齊州				樂壽縣	初屬瀛州 改屬深州		
	東城縣					樂壽縣			
	東城縣	屬月				樂壽縣	遷屬瀛州		
	省入河間		獻州		天會七年 置 屬河間路	樂壽縣			
			獻州		屬河間路	樂壽縣			
			獻縣		廢為縣屬 河間府	省入州			





寧津縣

省入咸平

咸平縣

咸平縣

咸平縣

前漢屬勃  
海郡後漢  
屬河間國

景城縣

前漢屬勃  
海郡後漢  
屬河間郡

東北賸地

胡蘇亭

重平縣

前漢屬勃  
海郡後漢  
屬河間郡

臨樂縣

咸平縣

景城縣

後魏名屬  
河間郡

胡蘇縣

開皇十六  
年置屬平  
原郡

景城縣

屬瀛州

臨津縣

武德初為  
滄州治天  
寶元年改  
名屬景州

景城縣

省入樂壽

臨津縣

周屬洛州

寧津縣

熙寧六年  
省入南皮  
州

寧津縣

初屬滄南  
路至元初  
改屬河間

寧津縣

屬河間府

州景

前漢屬沛 海郡後漢 省	脩縣	前漢屬信 都國後漢 屬沛郡	脩市縣	前漢屬沛 海郡後漢 省	龍縣	前漢屬沛 海郡後漢 省
	脩縣					
重刊漢圖 陸國	脩縣					
	脩縣					
	脩縣	還屬信都 郡				
	脩縣	初屬魏州			安陸縣	
	脩縣				安陸縣	
	脩縣				景祐二年 廢	
	脩縣	改屬景州				
	脩縣	初升元州 尋復屬河 間治				
景州 至元二年 徙置屬河 間路	景州	屬河間府				

縣光東

縣橋吳

東光縣 <small>屬勃海郡</small>	吳安縣 <small>前漢屬千 原郡後漢 省</small>	
東光縣	東安縣	
東光縣	東安縣 <small>復置改名 屬勃海郡</small>	
東光縣 <small>郡治</small>	安陸縣	
東光縣 <small>屬平原郡</small>	大東初併 八東九	
東光縣 <small>初屬觀州 後屬景州</small>	安陸縣 <small>武德四年 復以宣府 鎮置屬德 州永徽二 年徙廢</small>	永徽二年 徙置屬德 州
東光縣 <small>軍治</small>	宋遼軍 永靜軍	
東光縣	吳橋縣 <small>將陵縣地</small>	
東光縣 <small>州治</small>	吳橋縣 <small>初置屬景 州</small>	
東光縣 <small>屬景州</small>	吳橋縣	
東光縣	吳橋縣	

渤海郡  
開皇初廢  
郡置觀州  
尋廢

景州  
武德初置  
十七年廢

宋遼軍  
永靜軍

觀州  
初置屬景  
州

吳橋縣  
初置屬景  
州

吳橋縣

吳橋縣



欽定四庫全書

候升縣

前漢屬河  
間國後漢  
省

廣川野地

縣城故

歷縣

前漢楊信  
都國後漢  
省

美強縣地

長河縣志

元和四年  
移長河縣  
治白橋屬  
德州十年  
徙廢

縣

高縣

周南入東  
光

間皇十六年改置屬平原郡  
武德初為觀州治後廢屬滄州尋為景州治

故城縣 故城縣

故城縣

以故長河  
縣置堡  
州

欽定四庫全書

欽定大清一統志卷十五

河間府

在京師南四百十里東西距一百六十里南北距三百四十五里東至天津府青縣界

一百里西至保定府蠡縣界六十里南至山東濟南府德州界二百二十五里北至保定府雄縣界一百二十里東南至天津府南皮縣治一百四十里西南至冀州治二百三十里東北至順天府文安縣治一百三十里西北至保定府安州治一百四十里

分野天文尾箕析木及虛危元枵之次

今府治及各縣皆尾箕之

宿為燕分野景州則虛危之宿為齊分野

建置沿革禹貢冀州之域

南境兼屬燕

春秋為兗齊及晉

東陽地戰國為燕趙二國之境

戰國策張儀說趙武靈王割河間以

事秦為鉅鹿上谷二郡地

按漢書樊噲從攻秦河間守軍于杠里是秦時

已有河間郡然不知治在何所漢初為鉅鹿涿二郡地文帝二年

始分置河間國治樂成

今獻縣

屬冀州後漢初併入

信都國和帝永元三年復置晉因之後魏初為河

間郡屬定州太和十一年始分定冀二州置瀛州

樂史太平寰宇

記以瀛海為名隋開皇初廢郡存州大業初復改

州為河間郡唐武德四年復曰瀛州天寶元年復  
曰河間郡乾元元年復曰瀛州屬河北道五代晉  
天福元年割屬遼周顯德元年收復宋仍曰瀛州  
河間郡大觀二年升為河間府置瀛海軍節度屬  
河北東路金天會七年為河北東路治置總管府  
正隆間復置瀛海軍節度元至元二年置河間路  
總管府屬中書省明洪武元年曰河間府永樂初  
直隸京師

本朝因之領州一縣十

河間縣

附郭東西距七十三里南北距六十里東至獻縣界七十里西至肅寧縣界三里南

至獻縣界二十五里北至任邱縣界三十五里東南至獻縣界二十五里西南至肅寧縣界十二里

東北至順天府大城縣界一百十里西北至保定府高陽縣界二十里漢置州鄉武垣二縣俱屬涿

郡後省州郡以武垣屬河間國晉因之後魏太和十一年又移河間郡治武垣二縣瀛州於縣之趙

都軍城隋大業初置河間縣為河間郡治省武垣入焉唐為瀛州治宋為河間府治金因之元為河

間路治明為河間獻縣在府南六十里東西距百府治本朝因之獻縣四十里南北距七十五里

東至天津府青縣界一百里西至深州饒陽縣界四十里南至交河縣界四十里北至河間縣界三

十五里東南至交河縣治五十里西南至深州武強縣治二十五里東北至青縣治一百六十里西北至肅寧縣八十里本漢樂成縣為河間國治後漢因之晉改樂城仍為國治後魏太和十一年移郡治武垣以縣屬之隋開皇十八年改曰廣城仁壽元年又改曰樂壽仍屬河間郡大業末竇建德都此唐武德四年建德平還屬瀛州大歷中改屬深州元和十年復隸瀛州後又改屬深州五代因之宋至道三年還屬瀛州金天會七年升為壽州天德三年改曰獻州屬河北東路元至元二年廢州仍為樂壽縣未幾復為州屬河間路明初省縣入州洪武七年又降州為獻縣屬河間府 本朝

因阜城縣 在府南百四十里東西距三十六里南北距三十里東至東光縣界三十里西至冀州武邑縣界六里南至景州界二十五里北至交河縣界八里東南至景州界三十里西南至

武邑縣界十五里東北至交河縣界三十五里西北至深州武強縣治六十里漢置阜城縣屬勃海郡後漢徙廢晉復置後魏分屬武邑郡隋開皇九年屬觀州大業二年屬信都郡唐武德四年屬觀州貞觀十七年還屬冀州天祐二年改曰漢阜五代漢復故宋淳化元年屬永靜軍嘉祐八年省為鎮入東光熙寧十年復置金屬景州元因之明洪武七年改屬河間府本朝因之肅寧縣在府西四十里東西距五十七里南北距四十里東至河間縣界三十七里西至保定府蠡縣界二十里南至深州饒陽縣界二十里北至保定府高陽縣界二十里東南至獻縣治八十里西南至深州安平縣治九十里東北至任邱縣治八十里西北至保定府高陽縣治六十里本漢武垣縣地隋唐為河間縣地宋雍熙初置平虜寨景德二年改為肅寧城金升為縣屬河間府元至元二年廢為

鎮入河間縣尋復置屬河間任邱縣在府北七十里東距八

十五里西北距九十三里東至順天府大城縣界七十里西至保定府高陽縣界十五里南至河間縣界三十五里北至保定府雄縣界五十八里東南至河間縣界四十里西南至肅寧縣治八十里東北至順天府文安縣治七十里西北至保定府安州治七十里本戰國燕鄭邑漢置鄭阿陵高郭三縣俱屬涿郡後漢省阿陵高郭二縣以鄭縣屬河間國晉因之後魏及隋屬河間郡唐武德四年改屬滿州五年始分置任邱縣屬瀛州景雲二年於鄭縣置鄭州併領任邱開元十三年改鄭為莫天寶初改州為文安郡乾元元年復曰莫州屬河北道五代晉天福元年地入遼周顯德六年收復宋熙寧六年省莫縣入任邱移州治之屬河北東路金貞祐二年州縣俱廢改置莫亭縣元初復於



莫亭置莫州併任邱縣屬之至元二年州縣俱省入河間後復置屬河間路明洪武七年省莫州入任邱屬河間  
交河縣 在府東南一百十里東西距八十里南北距四十八里東至天津府南皮縣界五十里西至深州武強縣界三十里南至東光縣界八里北至獻縣界四十里東南至東光縣界六里西南至阜城縣治四十五里東北至天津府青縣界一百五里西北至獻縣界二十里漢置建威成平景成三縣皆屬勃海郡後漢省建威景成以成平屬河間國晉因之後魏延昌二年徙縣治故景成屬章武郡隋開皇十八年改成平曰景城屬河間郡唐武德四年屬瀛州貞觀元年屬滄州大歷七年還屬瀛州長慶二年分屬景州大中後又屬瀛州宋熙寧六年省景城入樂壽縣金大定七年始分樂壽置交河縣屬獻州元至元二年又省入樂壽尋復置明洪武

七年改屬河間  
府 本朝因之 寧津縣 在府東南二百三十一里  
東西距八十里南北距六

十五里東至山東武定府樂陵縣界五十里西至  
吳橋縣界三十里南至山東濟南府德平縣界二

十五里北至天津府南皮縣界四十里東南至武  
定府治一百三十里西南至濟南府德州界三十

五里東北至天津府滄州界四十五里西北至東  
光縣治七十里本漢東光臨樂二縣地屬渤海郡

後漢省臨樂晉置新樂縣屬樂陵國後魏省隋開  
皇十六年置胡蘇縣屬平原郡唐武德四年屬觀

州六年屬滄州仍移州來治貞觀元年州還治清  
池仍以縣屬觀州十七年又屬滄州天寶元年改

名臨津貞元三年屬景州長慶元年還屬滄州二  
年又屬景州太和四年又屬滄州景福元年仍屬

景州五代周顯德二年還屬滄州宋熙寧六年省  
入南皮縣金改置寧津縣屬景州元初屬濟南路

至元二年改屬河間路明景州在府東南一百九

屬河間府

本朝因之

景州

十里東西距八十

八里南北距六十五里東至吳橋縣界十八里西

至冀州

界七十里南至山東濟南府德州

界三十五里北至阜城縣界三十里東南至吳橋

縣治四十里西南至故城縣界八十里東北至東

光縣界四十里西北至冀州武邑縣界八十里漢

置修縣屬信都國後漢改入勃海郡晉及後魏因

之隋開皇五年改修曰蓆仍屬信都郡唐武德四

年於弓高縣置觀州以縣屬之貞觀十七年州廢

改屬德州永泰元年還屬冀州五代宋因之金始

以蓆縣屬景州元初升為元州後復為蓆縣至元

二年自東北移景州來治屬河間路明吳橋縣在

初省蓆縣入州屬河間府本朝因之

東南二百四十里東西路四十五里南北距六十

五里東至寧津縣界二十五里西至景州界二十

里南至山東濟南府德州界二十五里北至東光縣界四十里東南至濟南府陵縣界三十里西南至德州界二十五里東北至寧津縣治五十里西北至景州治四十里漢置安縣屬平原郡後漢省

晉置東安陵縣屬渤海郡後魏去東字隋大業初併入東光唐武德四年復置安陵縣屬觀州貞觀

十七年屬德州宋景祐二年省入將陵縣金始分將陵之吳橋鎮置吳橋縣屬景州元明因之本

朝屬河東光縣在府東南一百六十里東西距六間府十五里南北距五十五里東至天

津府南皮縣界三十五里西至阜城縣界三十里南至吳橋縣界二十里北至南皮縣界三十五里

東南至寧津縣治六十里西南至景州治六十里東北至南皮縣治四十五里西北至交河縣治四

十里漢置東光縣屬渤海郡後漢至晉魏因之東魏移勃海郡於此隋開皇初郡廢九年於縣置觀

州大業初州廢以縣屬平原郡唐武德四年於弓  
高置觀州以縣屬之貞觀十七年州廢縣屬滄州  
貞元二年又於弓高置景州以縣屬之長慶元年  
州廢還屬滄州二年又屬景州太和四年又還滄  
州景福元年又屬景州天祐五年移州來治五代  
周顯德四年廢景州為定遠軍屬滄州宋太平興  
國六年以軍直隸京師景德元年改曰永靜軍屬  
河北東路金初仍升為景州大安間避諱改曰觀  
州元初復曰景州至元二年始移州治蓟縣以東  
光為屬縣明因之本朝屬河間府雍正七年改  
屬滄州九年故城縣在府南二百八十里東西距  
還屬河間府故城縣七十五里南北距五十五里  
東至山東濟南府德州界二十五里西至冀州棗  
強縣界五十里南至山東東昌府武城縣界二十  
五里北至景州界三十里東南至東昌府恩縣界  
十八里西南至武城縣界二十五里東北至德州

界二十里西北至景州界三十里漢置廣川歷二  
縣皆屬信都國後漢省歷縣為廣川縣地北齊為  
棗強縣地隋為長河縣地唐元和四年移長河縣  
治此十年又徙廢元初以唐故長河縣置故城縣  
屬河間路至元二年併為故城鎮是年  
復置屬景州明因之本朝屬河間府

形勢九河之會五壘之居

樂史太平寰宇記

東瀕滄海西麓

太行

古碑記

南枕滹沱北背高河

元獻州記

當水陸要衝

四方供億皆取給焉

元史地理志

北據三關南面九河

府志

風俗河間之民其氣清厥性相近

兩雅疏

人性敦厚務

在桑農

隋書地理志

質厚少文多專經術大率氣勇尚

義號為強忮土平而近邊習於戰鬪

宋史地理志

古稱

禮樂之國衣冠文物之盛比於鄒魯

元史繼本送董景寧序

寡求不爭有古人風

元獻州記

俗尚祈禱信鬼神

冀州圖經

城池河間府城

周十六里門四濠廣五大宋熙寧中土築明萬歷十年甃磚本朝乾隆

九年獻縣城

周六里門四濠廣三文金天會八年重修知州高揆建明成化二年重築本

朝康熙七年重修  
乾隆九年重修

阜城縣城

舊城周五里門四環城為濠濠外有堤明

成化二年拓東城二里增設二門  
朝康熙九年重修乾隆十五年復修

本

肅寧縣城

舊土城周六里明天啓五年改築新磚城周六里  
奇門二濠廣四丈外又為土牆周八里 本朝康

熙五十六年重修任邱縣城周五里有奇門四明  
乾隆十六年復修任邱縣城洪武七年築萬歷三

十八年甃磚濠廣五大引玉帶河水外  
有護城堤 本朝乾隆十六年重修 交河縣城

周六里門四明洪武中創築 本朝  
康熙十年重修乾隆十六年復修 寧津縣城周

里門四濠廣一丈五尺明景泰三年土築  
隆慶二年甃磚 本朝乾隆十七年復修 景州城

舊土城周四里門四濠廣二丈元天歷間蓆縣尹  
呂思誠築 本朝康熙十一年重修乾隆九年撤

舊增築二十三  
年改建磚 吳橋縣城周四里有奇門四明正  
統二年因舊修築崇禎

十一年改  
建磚城 東光縣城舊土城周三里有奇門崇禎  
十一年改築磚城周六里門



四濠廣三丈 本朝康熙十三年重修 故城縣城 周四里門

丈五尺明成化二年築 本朝康熙六年重修 乾隆十五年重修

學校河間府學

在府治東南元至元六年建 本朝順治康熙中重修 乾隆十八年重修

入學額數

河間縣學

在縣治西南隅 舊在縣治北 明弘治四年遷此 本朝順

治康熙中屢修 乾隆十七年復修 入學額數二十三名

獻縣學

在縣治西元建 本朝康熙

熙雍正間屢修 乾隆十二年復修 入學額數十八名

阜城縣學

在縣治東南 明永樂四年

建 本朝康熙雍正間

肅寧縣學

在縣治東北元大德六年建

本朝康熙雍正間屢修 乾隆十年重修 入學額數十二名

任邱縣學

在縣治 東明洪

武三十年建  
間重修入學額數二十三名  
本朝康熙雍正  
交河縣學  
在縣治  
東明洪

武中建  
重修入學額數十五名  
本朝康熙十年  
寧津縣學  
在縣治西南  
明洪武初建

本朝康熙中重修  
入學額數十八名  
景州學  
在州治東南  
明洪武  
初建  
本朝康熙中

屢修乾隆六年重修  
入學額數二十三名  
吳橋縣學  
在縣治東  
元貞二  
年  
本朝順治八

年重修入學  
額數十五名  
東光縣學  
在縣治西北  
明洪武初建  
本朝順治康熙中重修

入學額數  
十五名  
故城縣學  
在縣治東南  
明隆慶元年遷  
本朝康熙六年重修入

學額數  
瀛洲書院  
舊在府城東南  
明河間知縣王  
遇賓建  
本朝乾隆十七年河

間府知府  
有萬春書院  
乾隆二十五年知縣萬廷蘭建  
又有

日華書院乾隆四十六年知縣黃碧海建肅寧縣城內有東洲書院乾隆二十四年知縣范森建任邱縣城內有桂巖書院乾隆二十八年知縣陳文合建交河縣城內有瀛南書院乾隆二十年知縣董元記建餘各縣鄉社俱設有義學延師課誦又按景州廣川鎮有董子書院即董子鄉祠也元至正中總管王思誠請建河間縣有毛公書院亦思誠所建詳後詞廟

戶口

原額人丁二十二萬二千七百六十五又滋生丁九千四百三十二

田賦

田地七萬一千二百二十五頃八十八畝零額徵地丁銀二十萬五千七百九十二兩三錢零

粟米一十四十一石八斗九升零

山川萬春山

在獻縣東十里種桃萬樹爛然如錦

白草山

在獻縣北雲

臺山

在獻縣東南十五里三

建成山

在獻縣境縣志漢嘗以此

名縣高祖封曹參為建成侯又封呂澤為建成侯又公沙穆嘗居建成山依林阻為室天胎

山

一名天台山隋書地理志東光縣界古傳台星隕平寰宇紀小天胎山在東光縣界古傳台星隕

而結此山也明統志在縣南十里南臨新河縣志亦名天臺山又有青山在縣西北三十里魯陽山

在縣西南界皆岡

魯陽山

在東光縣西南曹學佺名勝志云唐李頎詩舉

隴之屬今皆堙廢頭遙望魯陽山木葉紛紛

青山

在東光縣西北三十里高數丈周四

五里縣志云即古觀津地漢文帝實皇后父墮淵而卒景帝遣使填所墜而葬起大墳號曰實氏青

山

白馬峯

在任邱縣南狀如天馬故名明孫禎築廬其上大學士李東陽贈以詩有草堂

遙對白峰  
寒之句

樂壽巖

在獻縣西南十里隋改縣名樂壽以此實建德自號長樂王都

樂壽其取居金城宮  
在巖之西今堙廢

歡喜嶺

在改城縣西三里許相傳雲中楊叔敬以

事客故城數年其子溫自藉來省  
邂逅嶺旁不勝嘉躍因以名之

金沙嶺

在任邱縣東四

十里東西綿亘凡數十里隱約蜿蜒如  
見如伏斷處有細沙流出如金故名

滹沱河

自趙

州之寧津縣與滄陽河合經冀州武邑武強流入  
府境由獻縣西南之完固口分為二一由縣北之

威家橋入河間縣又曰沙河以城東四十里有沙  
河橋也下流過龍化橋入順天府大城縣境經東

西子牙村為子牙河其一由完固口分流至獻縣  
南之單家橋又東經滄州杜林鎮至青縣鮑家嘴

入于南運河此滹沱故道也嗣以濁流淤運且運  
河當盛漲時水不能下于雍正四年塞完固口使

專循威家橋東行其疏濬工程詳見順天天津二府志按濬沱河古今遷徙不一漢志成平縣濬

沱河民曰徒駭河樂成縣濬沱別水首受濬沱河東至東光入濬沱河弓高縣濬沱別河首受濬沱

河東至平舒入海在今獻縣交河阜城之地故濬久湮難攷太平寰宇記濬沱河在河間縣西二十

里舊經武垣城北後魏太和中刺史王質掘直之後刺史楊真改曰清寧河又曰濬沱河自高陽東

流經鄭縣南二里至冀州金口分界又東入文安縣界在今府境西北此唐宋時故道也今濬沱上

流自冀州即會滏陽至獻分流而完固漳河俗名口又經堵塞南北經流皆與古異矣漳河老漳

河自山東邱縣分流歷廣平北流至故城縣界經縣西又北逕景州西又東北逕阜城西北又東北

逕交河縣南又東北至滄州西界與故濬沱河合又北至青縣鮑家嘴入南運河漢書地理志清漳

水東北至阜城入大河酈道元水經注衡漳水自  
東昌合口分為李聽渙又東逕弓高縣故城北又  
東北右合柏梁澁水謂之柏梁口又東北右會桑  
杜溝謂之陽決口又東逕阜城縣故城北樂城縣  
故城南又東北過成平縣南又東逕建城縣故城  
南又東右會陽津溝水謂之陽津口又東左會滹  
沱別河故瀆又東北入清河謂之合口金史地理  
志蓿縣阜城東光俱有漳河按漳河自魏縣會滏  
陽子牙達海之正流久已湮塞無考惟自任邱縣  
堤上邛至青縣鮑家嘴六百餘里舊跡尚存而隨  
地異名在故城則曰索盧河亦曰枯河以地求之  
或即酈注所謂桑杜津索盧桑杜音近而訛也在  
景州則曰張甲河漢志云信城縣張甲河首受屯  
氏別河信城今屬廣平府清河縣西北有古黃河  
是也在阜城則曰劉麟河亦曰流洽河俗傳劉麟  
渡此而名在交河則曰絳水邑舊名絳陽以此今

諸水皆為空漬惟夏秋之交積潦所歸完成巨浸而景州境內之普頭河漫河阜城縣境內之古沙河交河縣境內之亭子河新挑溝賈家庄引河獻縣境內之西黑龍港及大城青縣之各支河澀水所滙悉由鮑家嘴下注運河每遇運河盛漲不特不能分洩反虞倒灌而西乾隆五年將諸州縣支水悉如疏濬通流會于吳家窪而鮑家嘴終虞渾於易塞乃復濬濬沱故道下注于千金泊歸子牙河入海于是漳河及諸支河無滬水泛濫之患

**南運河** 即衛河下流衛河漳水合流北至臨清會濟汶洸沂泗五水名南運河由清河武清諸縣入郡境經故城縣之鄭鎮東行入山東德州恩縣又東復入故城經南關抵孟灣又入德州經四女寺及哨馬營諸壩至半截碑入景州境至清水灣經吳橋縣境又東北經東光縣又北至楊家園入交河縣境又北則經天津府



屬之南皮滄州青縣靜海諸境而達于天津入海  
亦曰水濟渠又名御河本古清河也水經注清河  
自東武城東北逕棗強縣故城西又北逕廣川縣  
故城南又東北逕歷城縣故城南又東北與張甲  
屯絳故瀆合又逕修縣故城南屈逕其城東又東  
北左與黃漳支津故瀆合又東北逕修縣故城東  
又東北逕邱閭城東又東至東光縣西南胡蘇亭  
又東北右會大河故瀆又逕東光縣故城西又東  
北逕南皮縣故城西太平寰宇記永濟渠在東光  
縣西二百步金史地理志吳橋東光南皮皆有永  
濟渠張希良河防考故城縣河道北自恩縣界南  
至武城縣界長十六里景州河道西岸北自吳橋  
縣界南至德州衛界長二十四里吳橋縣河道北  
自東光縣界西岸南至景州東岸南至德州衛界  
長二十四里東光縣河道西岸北自交河縣界東  
岸北自南皮縣界南至吳橋縣界長六十里交河

縣河道西岸北自天津衛界南至東光縣界長八十二里 本朝乾隆二年以後增築堤壩屢經疏

引水勢暢流

### 古黃河

在府境西漢時大河由今山東德州流入歷景州吳橋東

光與衛河合又北至滄州入海水經注大河故瀆自鬲縣又北逕修縣故城東又北逕安陵縣西又東北至東光縣故城西北與漳水合此西漢以前黃河故道也東漢以後自千乘入海而故道遂為漳衛所占至宋時復由此宋史河渠志皇祐元年河合永濟渠注乾寧軍入海謂之北流永濟渠即衛河今故城吳橋景州交河東光諸州縣界中衛河所經皆宋時大河北之故道也自熙寧二年河東徙由二股河北流始開南渡後益徙而南北流遂絕又河渠志熙寧元年河溢樂壽埽元豐五年河溢阜城下埽樂壽阜城衛河俱不入其界而亦被河決之患蓋其時河流橫決南合於衛又北

溢於漳也

按今吳橋縣南有老黃河傳即古之

禹津又有鈎盤河亦在縣之西南蓋皆唐時河流

決入之道飛禹河舊蹟也老黃河導山東恩縣四

女寺間之水北行至吳橋之玉泉庄會鈎盤河入

寧津縣又北轉東入南皮縣下淤至山東海豐縣

大沽河口入海本朝康熙三十六年漳水復出

館陶臨清以北運河驟漲四十四年建四女寺減

水開雍正四年改為滾水壩九年挑濬引河入九

龍口并疏老黃河故道十三年復于哨馬營建滾

水壩開濬引河由陳公堤至曹家口入鈎盤達于

老黃河乾隆六年十三年二十三年二十九年屢

經籌議凡直隸山東境內老黃河所經一律濬治

暢流無阻于是衛河汎漲得資分洩運道以安民

賴其利又宣惠河在吳橋縣西北本無源之水乾

隆四年開濬受吳橋東北諸縣潞水北至留河莊

古沙河亦由吳橋南來會之復東北流入于老黃

河歸玉帶河在肅寧縣東即唐河下流舊自蠡縣流入與河間縣界接界又東北入任

邱縣界為鏡河元史河渠志泰定三年都水監言河間路古陳玉帶河自軍司口浚治至雄州歸信縣界以導淀漂積潦注之易河舊志博野縣滋沙唐三水由鐵燈竿口注洋東五十二淀東北流入肅寧縣境為中堡河在縣東三十里又東分為玉帶河在縣東三十五里又經河間縣西門外北入任邱縣界為鏡河至縣南三里會蓮花泊又北環城為濠至縣東北會五龍潭又東北匯於五官淀鄭樵通志保定滋沙滌三水舊自蠡縣引流而東歷肅寧之五千淀而達於雄縣之瓦濟河中堡玉帶二河皆其經流處也後自蠡縣北入高陽歷新安雄縣而出任邱之趙北口於是故道多湮而玉帶河之名亦移於順猪龍河在肅寧縣西即唐沙天之之保定縣矣

府蠡縣流入又東北經高陽縣界為高陽河  
匯於任邱縣西北白洋淀又東注四角河 四角

河 在任邱縣西北五十七里其水四達諸淀匯流  
東行至趙北口為清河門由柴禾淀入玉帶河

按四角河即清河所自起河身寬廣有容受涵  
蓄之功濁流皆澄故得清河之名古有七十二清

河之說其名率參錯難稽今畧數其分派則西自  
安州來者曰依城河源出滿城之一畝難距二泉

合祈蒲二水下流之金線白草溝二河及安肅漕  
河望都九龍泉至新安入淀西北自安肅及者曰

瀑河即南易水合雞爪萍泉諸河至新安之黑龍  
口入淀西南自高陽來者曰豬龍河即滌沙滋三

水下流合恒水龍泉平陽當城臘脂部汭等河逕  
祈州之三岔口匯為豬龍河入淀北自雄縣來者

曰白溝河上流為巨馬河有二派一由涿州逕新  
城而南合挾活琉璃胡良鹽溝廣陽斗門紫泉諸

河一由涑水逕定興而東合北易源泉中易道關  
子莊溪諸河匯為白溝河入淀此清河諸派之緒  
為西淀而皆匯流于四角河下流之清河門者考  
桑欽水經以清河為派河尾而酈註舉清淇漳洹  
洧易涑濡沽濠沱十水以實之今惟淇漳入衛濠  
沱為格淀堤所限自入于衛其餘六水無不歸于  
東西兩淀者可以清河故道千載未易矣  
故詳疏于此其疏濬工程仍見各河條下  
地理志東光縣東二十里有新  
河自安陵入浮河間元中開  
胡蘇河在東光縣東南爾雅  
九河之一漢書溝洫志成帝時許商以為胡蘇河  
見在東光界中太平寰宇紀一名赤河自臨津流  
經饒安無棣入海舊志在東光縣東三里按府  
之南界滄景德棣之間本古九河所經之地今考  
諸書在府境者唯胡蘇河為有據外此則吳橋之  
禹津河亦與古合至如漢志以潞沱河為徒駭金

志亦謂樂壽縣有徒駭河徒駭河之本道非潯沱也又獻縣志載鬲津枯河在縣西二里馬頰河在縣東六十里鉤盤河在縣東南六十里乃舊鬲津河後人鑿以導水附會九河舊名皆無足據舊志寧津縣西三十里有古黃河自吳橋縣流入又東北入南皮縣界兩岸廢堤隆然峭立俗謂之卧龍岡疑即漢時鬲津河也宋時為大河所經禹貢蔡注黃河經樂陵臨津鹽山入海即此按此即今所謂老黃河工土河在寧津縣南二十五里程已詳前古黃河注土河自山東陵縣流入又東入山東樂陵縣界相傳即古篤馬河又有遲河派河俱在縣東四十里入於土河謂之三渡口又谷家河在縣北二十里亦名龍灣自吳橋縣東南流入縣界下流亦合土河枯河在故城五十里東北流入阜城劉麟河一名索盧河又名黃盧河其水無源數年一至過泛濫則波濤洶湧

早輒涸民播種其中收獲倍利  
按此即老漳河入故城之異名也  
清河在交河縣西二十五

里漳水支流也自縣西南界北流經富莊驛又東  
經劉解鎮至縣東北六十里散流入於滹沱河亦

名清河頭一名鹽河又名運糧河相傳五代梁時  
趙王鎔於此運糧以餉晉師故名又李村河一名

土河亦自縣西漳水分流有西濟橋跨其  
上流逕縣東北之四十里李村橋合清河倒流河

在交河縣東北九十里一名蔡河東境之水皆滙  
於此西流四十里與滹沱河會為三岔口故曰倒

流又有蛤螺河在縣北  
十五里下流亦入滹沱  
滹水故道在河間任邱二  
縣界水經注滹

水自高陽葛城又東北逕阿陵縣故城東又東北  
注于易水大平衆宇記滹水枯瀆在任邱縣西一

里按今滹易諸水皆滙於白洋淀歸於玉帶河  
故道莫辨據水經注諸書則易水在北滹水在南



至河間任邱始合也

### 易水故道

在任邱縣西北三十里自新安縣流入與雄縣分界又東

入文安縣界水經注易水自易縣東逕鄆縣故城北又東至文安太平寰宇記易水在莫縣北三十

里又濡水在縣西二十里東合易水按明志謂

易水在任邱縣西十六里流逕獻縣合滹沱入海

誤

### 屯氏北漬

在寧津縣南水經注屯氏別河北漬自繹幕又東北經重平縣故城南又

東北逕重平縣故城南又東北經定縣故城南又

東入陽信縣按唐書地理志有古毛河自臨津

逕南皮縣入清池開元江江河一作澤澤亦名絳

十年間即屯氏之訛也江江河河本受故城縣上

游無源滙水至景州境經江江村故名又東與大

洋河合入東光為漫河同歸于老黃河乾隆五年

如州屈成霖重加濬治三十年即其地建

行宮

皇上南巡駐此有

鳴犢河故瀆

在景州西南漢書地理志靈縣河水別出為鳴

犢河東北至蓍入屯氏水經注鳴犢河東入鄒縣而北合屯氏瀆又東北合大河故瀆謂之口闌駟十三州志曰鳴犢河東北至蓍入屯氏考瀆則不至也又太平寰宇記鳴犢河在東光縣東南本

聖駕南巡  
朝乾隆二十二年以後

御製河間道中雜詠  
並有鳴犢河詩

張甲河故瀆

在故城縣及景州界漢書地理志平成縣

張甲河首受屯氏別河東北至蓍入漳水水經張甲右瀆東北逕廣川縣故城西北又東逕棘津亭南又東北至修縣東會清河舊志在景州西七十里東北阜城縣界按此即老漳河入景州異名

又太平寰宇記有馬頰河經蓍縣界今皆無考

從陂水

在景州北水縣注桑杜溝水自觀津



東逕修市縣故城北又東會從陂陂水南北十里  
東西六十步亦謂之桑杜澗從陂南出夾堤東派  
逕修縣故城北東合清漳漳泛則北注澤盛則南  
播津流上下互相逕道從陂北出東北分為二川  
一川北逕弓高城西而北注柏桑澁一川東逕長  
弓高城南入衡漳舊志蓋即今之千頃諸窪也長

**豐渠**

有二皆在河間府唐書地理志河間縣西北  
百里有長豐渠貞觀二十一年刺史朱潭開

又西南五里有長豐渠開元二十五年刺史盧暉  
自東城平舒引潯沱東入淇通漕溉田五百餘頃

太平寰宇記長豐渠自長豐縣東南東城縣界流  
逕長豐城西與古漕河合舊志在任邱縣西北

二十 **通利渠**

在任邱縣南唐會要武德中鑿通利  
渠開元四年縣令魚思賢復開潯以

洩陂淀自縣南五里至縣西北注滌大浦淀  
水得地二百餘頃土人名為魚君陂  
太平寰宇

記又名大廉陂在河間縣西南四十一里下注潯沱其決入處謂之百道口 洋東淀又

千淀俱在肅寧縣東南二十里舊時鐵燈竿諸水所匯下流入中堡河今湮 掘鯉淀在

邱縣北太平寨宇記在莫縣西二十里俗名柳淀旱則飛沙潞則溟海左太冲魏都賦云掘鯉之

淀益節 五官淀 在任邱縣東北三十五里舊名武之淵 湓淀上流諸水多匯于此又趙家

泊在縣東二十里亦流入五官淀又三澚淀在縣東北十三里西接五龍潭今多淤 狐狸淀

太平寨宇記在任邱縣西北二十里莫縣東南隅中有蒲柳多葭葦 白洋淀在任邱

五十里闕城村周六十里與安州高陽新安接界衆水所匯深廣四通菱荷交匝望之如江湖詳保

定府 孟家溝 在故城縣東二里自縣北達景州西志 為青草河又東北注千頃窪明時漳

水嘗決於此因植柳固堤河流沙溪在故城縣西北二十五里

一名南河自武城縣流入滙於縣西五十里之龍潭又東北至景州境注於千頃窪房淵在

縣北三十里太平寨宇記九州記樂壽縣有房淵方百里石勒建平二年水忽變赤慕容儁二年水

忽生鹽如印形其淵一日再長再減不失其度居近者時見有龍狗之狀戲於旁葉落於淵輒有羣

魚燕銜出舊志此水今淤張大窪在交河縣東三十里為鍾水之處明萬歷十七年知縣馬

中良開溝五道以通絳河窪旁之田始無水患又達達窪在縣東北七十里又平成河一名陽氣寺

古河在縣東北八十里又窪東窪在縣東北九十里亦馬中良所鑿又吳家窪亦在縣東北乾隆二

十九年于窪中濬溝一道屬于舊濬沱河使西南一帶渥水俱滙此窪由大渡口抵杜林鎮歸鮑家嘴

入南千頃窪

在景州東北三十里地卑衍舊為鍾運河

正統間知州劉深自成北堤外開渠道入此窪水患乃息歲久淤塞嘉靖乙卯知州馬進塔復自南

堤外引水入故道經二十餘里名曰惠民渠又有蒲窪在州西七里白草窪在州西十里袁家窪在

州西南三十五里蝗虫窪在州南五里

梅家窪

在吳橋縣東北三十里又曹家窪在縣西

十五龍潭

在任邱縣北十一里又鐵燈竿口

在河間縣

舊自保定博野滙為汙池逾濤沔過洪沙港流經縣西南二十里又東逕城南通濟橋東北流平衍

數百里通靜海直沽入海

完固口

在獻縣西南十八里濬沱河北岸河水由此分流水漲時

易致衝決明嘉靖十三年築堤為備故名今河專由城家橋東流此口久涸又縣西南有陳家口亦

滹沱河口也明建文中燕王趙北口在任邱縣北  
嘗由此渡河擊敗盛庸軍五十里又唐

興口亦曰趙堡口白洋諸淀之水所匯舊有堤長  
七里  
有橋七通南北孔道  
本朝康熙間

聖祖嘗以仲春閱水圍於此有  
御製鄭州水淀碑記雍正三年增建諸橋自任邱至雄縣

城南為橋十一並不築堤以捍禦乾隆十三年以  
後

聖駕時巡所經間  
命水虞修舉故事屢有

御製趙北口水圍詩又以西淀受唐沙淤易諸大川之  
水惟在趙北口以東轉輸能速則淀水不致停淤

因將各橋口一律深濬其馬道河正支二股亦展  
挑寬深使積淀之水俱由此暢然東注三十二年

皇上巡幸天津閱視淀河堤閘於趙北口廣惠橋登  
御舟由水程以達于津門亦有

御製各

詩七里井

在河間縣界隋大業十三年涿州留守薛世雄討李密行至河間軍屯七里井

竇建德  
襲破之

古蹟武垣故城

在河間縣西南本戰國時趙邑史記趙孝成王七年武垣令傳豹王容蘇

射率燕衆反燕地即此漢置縣屬涿郡後漢屬河間郡後魏太和十一年自樂成移河間郡來治隋大業初併入河間唐武德五年又置武垣縣貞觀元年仍省入河間蕭德言括地志武垣故城今瀛州城是太平寰宇記武垣城有二西武垣城在今郡西南三十八里即秦所置其城東稍北三十里又有一城時人謂之東武垣城在今縣南二十五里蓋因曹公鑿渠引滹沱水遂自西武垣移縣於此隋開皇三年又移武垣理州城此城因廢十六年改武垣為河間仍於東武垣城再置武垣縣大



業二年省又卽尉之隋圖經云東武垣城武帝元豐元年巡狩至此望氣者言有異女訪之得趙氏女因築此城以爲禁衛今縣西南樓上有夫人神卽鈎弋遺像也府志武垣城在河間縣西南三十里肅寧縣境內去縣東南僅十餘里有內外二城外城周四十里內城可十六里俗名元城遺址見州鄉故城在河間縣東北漢置屬涿郡元朔三年太平寰宇記故城在河間故城今河間縣治漢州今郡東北四十里鄉縣地後魏曰趙都軍城太和十一年置瀛州於此隋開置河間縣大平寰宇記隋開皇三年移武垣理州城十六年移武垣縣居舊城東城故城在河間縣東北漢置乃於此置河間縣東州縣屬渤海郡後漢屬河間郡晉屬章武國後魏因之北齊廢隋開皇十六年改置束城縣屬河間郡唐屬瀛州大平

寰宇記縣在瀛州東北六十五里今縣東北十四里有東州故城即漢縣理所晉移東州于城南三十五里魏孝昌二年復理漢故城高齊天保七年省併文安隋開皇中置東城縣於今理因東州為名按郡國縣道記云東城故城有三重縣城周五六里外城周約二十里今宛然不改宋史地理志東城縣熙寧六平省為鎮入河間元祐元年復舊志金時復廢為鎮屬河間故城在縣東北六十里元置巡檢司明廢

**樂城故城** 在獻縣東南漢置文帝二年立趙幽王子辟彊為河間王始別為國治樂城景帝前二年又立于德為河間王都此是為獻王後漢初省永平十五年立子黨為樂城王永元中仍置河間國治此水經注衛漳水東逕阜平縣故城北樂城縣故城南河郡治也太平寰宇記樂成故城在樂壽縣東南十六里城內有河間獻王殿餘址尚存後魏太和十

一年移河間郡及縣於樂壽亭故城 按太平寰宇記明統志皆謂漢桓帝改為樂陵縣攷水經注

止改孝王陵為樂壽故城 在獻縣西南太平寰宇記後魏太和十一

年移樂城縣於今樂壽縣西南一里樂壽亭隋開皇十八年改為廣城仁壽元年又改為樂壽取故

亭為名大業十三年自樂壽亭移於今理 按唐書隋大業十三年實建德築壇場於樂壽自立為

長樂王明年更號夏王遂都樂壽號金城宮 中水以太平寰宇記攷之蓋建德移於今治也

故城 在獻縣漢高帝七年封呂馬童為中水侯國屬涿郡後漢屬河間晉魏因之北齊省太平

寰宇記故中水城在樂壽縣西北三十里池居兩河之間故曰中水又郡國縣道記其城南枕滹沱

北背高河齊阿陵故城 在獻縣西北漢元朔三年天保七年省阿陵故城 封王間獻王子豫為侯國

屬沛郡後漢省太平寰宇記故阜城故城在今阜城在樂壽縣西北三十九里

漢置後漢建武十三年封王梁為侯國舊唐書地理志阜城故城在今縣東二十里今城隋築太平

寰宇記在今縣東二十二里齊天保七年移今治按前漢志阜城縣屬勃海郡別有昌成縣屬信

都國續漢志謂阜城即故昌城宋書州郡志疑二城非一而無定說水經漳水自下博又東北過阜

城縣北又東北至昌亭酈注昌亭即信都東昌縣勃海之阜城又在其東經叙阜城於下博之下昌

亭之上故知非故縣也參考諸說蓋後漢省勃海阜城而移其名於信都之昌城且改屬安平至晉

時又移還故治耳魏書地形志阜城縣注前漢屬勃海後漢屬安平晉還屬勃海竟混為一城誤又

名勝志劉豫嘗兼取阜城昌城之名改縣號曰阜昌郡并改元曰阜昌說近是而志俱不載弓

高故城

在阜城縣西南漢文帝十六年封韓頽當為侯國屬河間國晉省魏書地形志阜城

縣有弓高城太平寰宇紀在縣南二十七里

蒲領故城

在阜城縣東北漢置屬勃海郡

元朔三年封廣川惠王子嘉為侯國尋免始元六年又封清河剛王子祿為侯國後漢省水經注衡

漳自弓高縣又東逕蒲領縣故城南應劭地理風俗記云修縣西北八十里有蒲領鄉故縣也太平

寰宇記故蒲領故城在阜城縣北三里縣志在縣東北十里俗呼蒲領關鄭縣故城在

邱縣北本趙邑史記趙世家惠文王五年與燕鄭易即此漢置縣屬涿郡扁鵲傳稱勃海鄭人蓋漢

初鄭縣嘗隸勃海也後漢改屬河間晉魏至隋因之唐景雲始於縣置鄭州開元十三年以鄭與鄭

相類改為莫字宋熙寧六年省為鎮入任邱元祐二年復置尋又罷為鎮金貞祐二年改置莫亭縣

聖御

祖巡幸任邱經此有製鄭州水淀記及鄭州水淀雜詩乾隆十三年

皇上東巡有

御製恭依

聖

祖元韵詩十六年以後時巡所經復有

御製任邱道

任邱故城

在今任邱縣南太平寰宇記任邱縣本漢鄭縣地高齊置縣隋

中詩

初廢開皇十六年又置大業末又廢唐武德五年復置屬瀛州景雲中隸鄭州在州南四十三里任

欽定四庫全書

欽定大清一統志

二十三

邱古城在縣南二十六里三郡記云漢元始二年  
巡海使中郎將任邱築此城以防海口即以爲名  
後漢桓帝無子太后父竇武迎靈帝居此城羣臣  
至此朝謁又謂之謁城按太平寰宇記莫州猶  
治莫縣蓋自熙寧中始移治任邱也金志州廢爲  
莫亭縣元志莫州倚郭爲莫亭縣而任邱縣屬之  
蓋金末莫州任邱俱廢復置莫亭縣於莫縣故城  
耳舊志以爲改置莫亭於任邱誤又按漢書無任  
邱姓氏惟任光封阿陵侯太平寰宇記所引三郡  
記恐屬假托今城西北有大家相傳曰任將軍墓  
亦不知何許人也又靈帝自解瀆亭侯入立亭在  
今祈州界去河間殊遠羣臣來迎不應至此王存  
九域志作桓帝北巡羣臣阿陵故城在任邱縣東  
就此朝謁故名謁城爲是北漢置屬涿  
郡後漢建武二年封任邱爲阿陵侯後廢太平寰  
宇記故城在任邱縣東北二十里後魏孝昌二年

曾徙鄭縣理此周宣政元年復高郭故城在任邱  
還今理舊志其地今皆為水鄉  
七里漢置屬涿郡地節三年封河間獻王子濞為  
侯國後漢省太平寰宇記故城在鄭縣西南二十  
六里滹沱河經其南面亦稱長豐故城在任邱縣  
裏角城以水裏其角而過也  
元十年析文安任邱二縣置利豐縣是年更名長  
豐屬莫州大平寨字記縣在州東六十里以縣北  
有長豐渠為名宋熙寧六年  
省為鎮入任邱金因之後廢景城故城在交河縣  
節四年封河間獻王子雍為侯國屬勃海郡後漢  
省後魏延昌二年移成平縣治此隋開皇十八年  
復漢故名宋熙寧六年省為鎮入樂壽宋史河渠  
志元豐四年李立之言瀛州景城鎮在大河兩堤  
之間乞相度遷於堤外金史地理志交河有景城  
南鎮舊志故城在交河縣東北六十里獻縣東九



十成平故城

在交河縣東漢元朔三年封河間獻王子禮為侯國屬勃海郡後漢改入

河間國後魏屬漳武郡後徙治景城而故城遂廢魏書地形志成平縣治景城有成平城水經注成

平城在建成縣北二城南北相直太平寰宇記故城在景城縣南二十里後魏延昌二年徙理景城

因而荒廢九城志竇建德嘗居之亦謂建德城建成故城在交河縣東漢

漢省太平寰宇記建成故城在景城縣東南三十里城尚存按建成成平景城三縣太平寰宇記

俱入樂壽縣是時未有交河縣故也自金時分樂壽東境置交河則三縣俱在縣境明志仍入獻縣

而以交河為故臨樂故城在寧津縣北史記趙世中水縣皆誤家孝成王十九年以臨

樂與燕漢元朔四年封中山靖王子光為侯國屬勃海郡後漢省水經注無棣溝自南皮縣又東逕

樂亭北地理志之臨樂故城也晉太康地志樂陵國有新樂縣即此太平寰宇記今臨津縣界即其

地寧津故城

在今寧津縣西本漢胡蘇亭隋置胡蘇縣唐改名臨津宋省入南皮金復

置改曰寧津至今因之縣志寧津故城在縣西南二十五里保安鎮縣初治此金天會六年圯於水

因移今治又臨津店在縣西北三十里脩縣故城南皮縣南五十里蓋亦以故城得名

在景州南漢置文帝後二年封周亞夫為侯國地理志作脩景帝本紀周亞夫傳作條服虔曰脩音條也晉志作脩魏志仍作脩隋志開皇五年復改曰脩自後因之亦名亞夫城本朝乾隆二十二年以後

聖駕南巡

御製河間道中諸咏有亞夫城詩水經注清河東北逕脩縣故城南又東北逕脩國故城東周亞夫侯國

世謂之北脩城又東北逕師闔城東城側臨清河  
晉脩縣治括地志脩縣故城俗名南條城在今縣

南十二里李吉角元和郡縣志東南至德州一百  
二十里州志南條城在州縣十三里城址尚存又

有故城在州東脩市故城在景州西北漢本始四  
九里內有邸閣年封清河剛王子寅為

侯國屬勃海郡後漢省永經注桑杜舊溝東逕脩  
市縣故城北俗謂之溫城地理風俗記曰脩縣西

北二十里有脩市城故縣也金史地理志脩縣有  
蔣市舊志又有觀津故縣在西北四十里詳見武

邑龍額故城在景州東三十里漢元朔五年封韓  
繞為侯國屬平原郡後漢省顏師古

漢書注今書本額字或作額安陵故城在吳橋縣  
崔浩云有龍額村作額者非

安縣為侯國文帝四年封齊悼惠王子志為安都  
侯即此後漢省晉改置東安陵縣後魏去東字水

經注本脩縣之安陵鄉地理風俗記曰脩縣東四十里有安陵故縣是也隋大業初併入東光唐武德四年後以宣府鎮置安陵縣屬觀州貞觀十七年改屬德州永徽二年移治白社橋太平寰宇記安陵縣在德州西北一百里本漢安縣舊地理書並失理所今縣東七里晉所置東安陵縣即漢安縣舊理也今微有遺址高齊天保七年省隋開皇六年又分東光縣於今縣東二十二里新郭城再置安陵縣大業二年廢唐武德四年復立永隆二年移於柏杜橋即今理也宋史地理志景祐二年廢安陵縣入將陵九域志將陵縣有安陵鎮舊志在今吳橋縣西北二十五里衛河東窰場店南里許漢晉故縣也其唐所移之白杜橋治在今景州東十七里衛河西岸今有安陵鎮置巡司重平故城在吳橋縣南漢置屬勃海郡後漢置建武初封張萬為侯國尋省水經注應劭曰重

合縣西南八十里有重平鄉故縣也舊志今吳橋縣南三十里有重合城即重平之訛也後魏孝昌中復置重平縣屬安德郡在今山東德平界又有將陵廢縣在縣東南三十里趙寨鎮北一里詳見山東陵縣東光故城在今東光縣東漢置屬渤海郡後移勃海郡治此太平寰宇記東光故城在今縣東二十里高齊天祐七年移於今縣東南三十里陶氏故城隋開皇三年又移於歷縣故城在故城縣後魏廢勃海郡城即今理歷縣故城北漢高帝八年封程黑為侯國屬信都國後漢省水經注清河逕歷縣故城南應劭曰廣川縣西北三十里有歷縣亭故縣也今亭在縣東而此水濟尚謂之長歷口渡舊志又有東武垣城在縣東北三十里長河故城今故城縣治即唐時之白橋也漢置廣川縣在今棗強縣界高齊省入棗強隋復改

置於此舊唐書地理志隋於舊廣川縣東八十里  
置新縣尋改長河為水所壞唐元和四年移就白  
橋於永濟河西岸置縣東去故城十三里十年又  
移置河東岸小胡城舊志金明昌一年以廢長河  
縣置上故城鎮元升為縣今有故縣在縣南關外  
衛河北岸按明統志以縣為唐宋歷亭縣縣志  
又以為漢曆縣改歷亭今為恩  
縣曆縣又在其南但非縣境  
肅寧舊城在今肅  
東南周十六里內有子城周三里宋時築以屯兵  
城旁又有肅寧寨亦宋所築地名南陽墮又曰申  
陽墮石晉開運三年杜重威至瀛州遣別將梁漢  
韋追遼將高年翰至南陽務或曰即南陽墮也  
弓高廢縣在東光縣西漢故縣在阜城縣界隋開  
皇十六年改置於此屬平原郡唐武德  
四年於縣置觀州貞觀十七年州廢屬滄州貞元  
二年又於縣置景州長慶元年州廢二年又置太

和四年又廢景福元年又置天祐五年州移治東  
光以縣屬之周顯德中廢入東光太平寰宇記廢  
方高縣在東光縣西四十里舊志在今候井廢縣  
縣西北三十里北去交河縣二十餘里  
在東光縣西漢置屬河間國後漢省太平寰宇記  
郡國縣道記云舊地理書並失侯井縣所在以理  
推之蓋在今弓高縣西北三十五里房將池側近  
舊傳此池每日再增減不失時侯又池形窄小似  
井因於池側置縣謂之侯井或云  
今弓高縣即漢侯井縣莫詳的所乞活城在河間  
里晉書東海王越傳東瀛公騰鎮鄣携井州將田  
甄等部衆萬餘人至鄣遣就穀冀州號為乞活太  
平寰宇記騰掠羯人萬戶於山東值歲儉恐其有  
叛不聽入州郡築此城以居之任自乞活晉書云  
乞活帥陳仲歸  
小陵城在河間縣西北魏書地形  
志武垣縣有小陵城舊志

晉即此地也

小陵城

在河間縣西北魏書地形志武垣縣有小陵城舊志

有蕭陵城在河間縣西北五里今曰河頭村亦曰城上村蓋小蕭聲近而訛也又有高麗城在府城

西北十里宅陽城太平寨宇記阜城縣有沙邱即宅二里陽城一名西宅舊志在縣東又名

定陽簡子城在阜城縣東南九域志永靜軍境有東城隋圖經云晉趙簡子所築今名

簡城明統志簡子城在縣東南三十里本朝乾隆二十二年以後

聖駕南巡御製河間道中諸詠有簡子城詩永州城在寧津縣東四十里相傳

隋末所置今為楊盤鎮相近又有古城亦名空城周五里相傳漢光武所築自漢以來無居之者故

名西光城在東光縣西三里太平寨宇記後魏孝昌三年葛榮畧取其地對東光築城據

之故廢壘城在東光縣東二十五里古胡蘇亭漢書地理志東光縣有胡



蘇亭水經注清河東至東光縣西南逕胡蘇亭世謂之羌城非也舊志有胡蘇臺在東光縣學東南高二丈餘又太平寰宇記胡蘇亭在臨津縣西南二十二里

道貴亭

在河間縣內元河間李氏以邵康節詩有豈無道自貴之句因名其

亭劉因為之說河間廢衛在府治南又有潘陽中屯衛在府治東南大同中屯衛在府治西俱明永樂初建今

廢永樂行宮

在獻縣東五里俗呼為皇店又有行宮在任邱縣西三里遺址廣五十畝宮有御道明成祖往

來兩京駐蹕于此

日華宮

在獻縣南三十五里西京雜記云河間王德築日華宮置客館二十餘區以待學士今有

日華舊蹟本朝乾隆二十一年以後聖駕時巡經此皆有

御製詩

石家園

金史地理志交河縣以石家園置名勝志在縣西遺溝尚存俗傳石崇行舟處

麴義壘

在河間縣東北明統志在東城鎮北十四里漢末袁紹令麴義攻公孫瓚因築此壘

符融壘

元和邵縣志在阜城縣東北二十四里舊志在縣東五里

君子館

在河間縣西北

三十里宋雍熙三井劉廷讓與遼將耶律休哥戰此金史地理志河間有君子館

家鉉翁館

在河間縣詳後流寓

董學村

在故城縣西北即董仲舒故居也元曹元用董子祠堂記景州

西南有廣川鎮其別墅曰董家里縣志今名董學村

在縣西北三十里清河北鄉明初分屬故城與景州廣川

鎮相去不數里本朝乾隆二十二年以後

皇上南巡

御製河間道中諸咏

有董學村詩

賈島村

在景州西南相傳唐賈島祝髮于雲蓋寺其地尚有

瓦礫遺址即寺基故以名村

澹臺故城

明統志在故城縣西南四十里澹臺村昔屬武城

縣後移縣於衛河東岸此村今在本縣清河南鄉

扁鵲故宅

明統志在任邱縣北廢鄭

州東門外有樂王祖業莊 本朝乾隆二十二年以後

皇上南巡

御製河間道中諸咏有扁鵲宅詩 毛萇宅 太平寰宇記

冢今號其處為毛精墨舊志墨在河間縣北三十里又有詩經村在縣西北三十里相傳即毛公設教處 本朝乾隆二十二年以後

聖駕南巡

御製河間道中雜咏 劉淑精舍 在獻縣東西漢劉淑講授諸生於此 劉畫

宅 在阜城縣南義門鄉 高頰宅 在景州 劉長卿故

里 在河間 子貢陂 九域志在任邱縣漢王遵字子貢嘗為東郡守退於此此陂因

名 劉智社 在景州南三十里元蔣尹名思誠嘗行田至此勸化社民 本朝乾隆二十二年

聖駕南巡經此有

御製

劉智

閣邱臺

在任邱縣北太平寰宇記在鄆縣南十六里漢書閻邱壽王高陽人也耆

老傳云此臺是讀書之處舊此在今縣北二十里本朝乾隆三十年以後

聖駕南巡經此有

御製閻邱臺詩

按閻邱漢書作吾邱說苑作虞邱蓋

音相近瀛臺

在府城東南高五丈濶倍之登臺一望四遠皆目前一名駐旗臺又有高

陽臺在城東北與此臺相對

廣川臺

在景州治東高三丈舊為官祿遊憩之所元縣尹呂

思誠自廣川移董子祠於此因名本朝乾隆二十二年以後

聖駕南巡御製河間道中雜咏並有廣川臺詩

嵇康琴臺

在阜城縣西城垣下括地志云康遇異人授廣陵散即此本朝乾隆十三年

聖駕東巡經此有望夫臺在肅寧縣成趣園在獻王墓御製嵇康琴臺詩望夫臺北百步旁金梁子

直隱居之地學士黨懷且園在吳橋縣城內明紅英等有詩文記其勝大學士范景文築紅

杏園

即日華宮故址明成化中御史王注置別業于此植紅杏百株故名今建有行宮乾隆

十六年以後每遇皇上時巡駐驛屢有

御製詩

瀛州南樓府城南門樓也唐沈佺期有望瀛州南樓寄遠詩本朝乾隆十三年以

後每逢鑾輅經臨皆有御製瀛州南樓用沈佺期韻詩

欽定大清一統志卷十五